

DS
735
A2Y86
1771a
V. 43

University of Toronto
Library

C 400/62

ASIAN COLLECTION

御批歷代通鑑輯覽卷之八十五

宋

高宗皇帝

壬紹興二年

金天會十年

春正月。復賢良方正直言極諫科。

韓世忠拔建州。范汝為自焚死。

世忠聞汝為入建州。曰。建居閭嶺上流。賊沿流而下。七

郡皆血肉矣。亟率步卒三萬。水陸並進。直抵鳳凰山。各一

名山在福建。五日破之。汝為自焚死。斬其二弟。皆以

侖。擒其謀主謝勗。施達及裨將陸必僇等五百餘人。世忠

初欲盡誅建民。李綱自福州馳見世忠。曰。建民多無辜。

世忠乃令軍士駐坡上。聽民自相別。農給牛穀。商賈給

正禁。賜從者次遣。獨取附賊者誅之。民感更生。家為立

時。提問。帝曰。雖古名將何以加。世忠因進討江西湖廣

御批歷代通鑑輯覽卷之八十五

宋

高宗皇帝

壬子

紹興二年

金天會十年

春正月復賢良方正直言極諫科。

韓世忠拔建州范汝為自焚死。

世忠聞汝為入建州曰建居閩嶺上流賊沿流而下七

郡皆血肉矣亟率步卒三萬水陸並進直抵鳳凰山一名

茶山在建寧府建安縣東

五日破之汝為自焚死斬其二弟岳吉以

徇擒其謀主謝嚮施達及裨將陸必彊等五百餘人世忠

初欲盡誅建民李綱自福州馳見世忠曰建民多無辜世忠乃令軍士駐城上聽民自相別農給牛穀商賈弛征禁脇從者次遣獨取附賊者誅之民感更生家為立祠捷聞帝曰雖古名將何以加世忠因進討江西湖廣

諸盜

帝如臨安。

從呂頤浩之請也。

二月以李綱為湖廣宣撫使。

置御前忠銳軍。

分降盜崔增李捧邵青趙延壽李振單德忠徐文

字彥武萊

州掖縣人等所部兵為七將名御前忠銳軍隸步軍司非樞

密奉旨不許調遣。

徐文勇力過人揮刀重五十斤所向無前衆呼為徐大刀以功為沿海水

軍都統制諸將忌之潛其將叛朝廷遣兵襲之文遂以所部海舟及官軍自明州浮海抵鹽城降于劉豫

帝初御講殿

自播遷以來經筵久輟至是復之

桑仲以羣盜就撫授官復
尚屢爲寇掠其請合兵收
復京師固難必其果由忠
惻呂頤浩遽從而假以節
制殊爲輕率霍明疑其謀
逆誘而殺之旋亦被害無
以証仲與明之孰爲曲直
舊史于仲有過予之詞果
何所據而予然耶

三月桑仲請合諸鎮兵復中原許之知郢州霍明襲殺仲
仲將李橫擊明走之

仲上疏願協力收復京師乞朝廷舉兵爲聲援呂頤浩

信之乃命仲節制軍馬復劉豫所陷州郡仍命翟興解

潛王彥陳規

字元則密州安邱人

孔彥舟王亨等諸鎮撫使相爲

應援仲至郢州調兵知郢州霍明疑仲有逆謀誘而殺
之襄鄧統制李橫擊走明復其州

河南鎮撫使翟興爲其下所殺詔以其子琮代之

劉豫將遷汴以興屯伊陽山憚之遣蔣頤持書誘興以

王爵興斬頤而焚其書豫復陰啗興裨將楊偉以利偉

遂殺興携其首奔豫興在河南累年軍少食乏而能激

以忠義士莫不自奮金人畏之諸陵得不侵犯及死詔以其子琮嗣職。

夏四月以翟汝文字公巽丹陽人參知政事。

初汝文知密州秦檜爲州文學汝文薦其才故檜引以

輔政。汝文雖爲檜所薦然性剛不爲檜屈至對案相詬目檜爲金人奸細未幾卽罷。

詔呂頤浩都統江淮荆浙諸軍事開府鎮江。

頤浩信桑仲之言屢請出師身自督軍北向秦檜因諷人言周宣王內修外攘故能中興今二相宜分任內外。

于是帝諭頤浩及檜曰頤浩治軍旅檜理庶務如種蠡

分職可也乃命頤浩開府鎮江。頤浩倅文武士七十餘人以神武後軍及御前

忠銳崔增趙延壽二軍從行韓世忠張俊劉光世岳飛王玘楊沂中等皆隸焉已而頤浩次常州趙延壽兵叛

于呂城。犯金壇。殺知縣胡思忠。頤浩聞。桑仲死。已悔出師。及延壽叛。遂稱疾不進。王德追延壽至建平。誅之。頤浩尋召還。行在呂城。鎮名。在鎮江府丹陽縣東南。金壇。唐縣。今屬鎮江府。建平。宋縣。今屬廣德州。

劉豫徙居汴

豫至汴。尊其祖考為帝。置于宋太廟。是日。暴風捲旂。屋

瓦皆振。士民大懼。

豫分置河南汴京。淘沙官。兩京塚墓。發掘殆盡。賦斂煩苛。民不聊生。

岳飛追曹成。大敗之。成走邵州。

成既陷道州。復陷賀州。帝命岳飛權荊湖東路安撫都總管。付金字牌黃旗招成。成聞飛至。驚曰。岳家軍來矣。

即遁。飛追至賀州。力戰。大破之。成乃自桂嶺。

即古萌渚嶠。五嶺之

第四嶺也。注詳前。

置砦至北藏嶺。

與下蓬頭嶺俱桂嶺之支。

連控隘道。以衆

十餘萬守蓬頭嶺。飛部纔八千人。一鼓登嶺。破其衆。成

奔連州。

唐置。今隸廣東。

飛謂部將張憲、徐慶、王貴曰：「成黨散去。」

追而殺之。則脇從者可憫。縱之。則復聚為盜。今遣若等

誅其首而撫其衆。慎勿妄殺。累上保民之仁。于是憲自

賀連、慶自邵道、貴自郴桂招降者二萬。與飛會連州進

討。成走入邵州。

金以尼瑪哈為都元帥。烏珠副之。

五月。以權邦彥簽書樞密院事。

邦彥獻圖中興十議。遂有是命。

邦彥與政。碌碌無所建明。常助呂頤浩以排李

綱士論少之。不踰年卒。

育太祖後子。傅之子伯琮于宮中。賜名瑗。

元懿太子卒。帝未有後。范宗尹嘗造滕請建太子。帝曰：

太祖以神武定天下。子孫不得享之。遭時多艱。零落可憫。朕若不法仁宗爲天下計。何以慰在天之靈。于是詔

知南外宗正事。令廣選太祖後。將育宮中。

會上虞縣丞婁寅亮上書

曰。先正有言。太祖舍其子而立弟。此天下之大慮。仁宗感悟其藹。章聖取宗室育之宮中。此天下之大慮。仁宗感悟其說。召英宗入繼大統。文子文孫。宜君宜王。遭罹變故。不斷如帶。今有天下者。獨陛下一人而已。屬者椒寢未繁。前星不耀。孤立無助。有識寒心。天其或者深戒陛下。追念祖宗公心。長慮之所及乎。崇寧以來。諛臣進說。獨推濮王子孫。以爲近屬。餘皆謂之同姓。遂使昌陵之後。寂寥無聞。僅同民庶。藝祖在上。莫肯顧歆。此金人所以未悔禍也。望陛下于伯字行內。選太祖諸孫有賢德者。視秩親王。俾牧九州。以待皇嗣之生。退處藩服。庶幾上慰在天之靈。下繫人心之望。書奏。帝讀之大感。至是選秦

歎。

周王事。見前。婁寅亮字陟明。永嘉人。

至是選秦

王德芳五世孫左朝奉大夫子偁之子伯琮入宮。命張婕妤鞠之。生六年矣。尋以伯琮爲和州防禦使。賜名瑗。

其後吳才人亦請于帝。乃復取秉義郎子彥之。
子伯玖。命才人鞠之。亦太祖後也。尋賜名璩。

張浚以劉子羽知興元府。

時吳玠戍河池。

注見前。

王彥戍金州。二鎮皆饑。興元帥臣

閉糴。玠彥皆願得子羽守漢中。浚乃承制拜子羽爲經
畧使。知興元。通商輸粟。二鎮遂安。

韓世忠招曹成降之。

世忠旣平范汝爲。旋師永嘉。若將休息者。忽由處信至
豫章。連營江濱數十里。羣賊不虞其至。大驚。世忠因使
董收招成。成方爲岳飛所迫。乃率衆降。得戰士八萬。遣
詣行在。

六月。頒戒石銘于州縣。

以黃庭堅所書戒石銘。頒于州縣。令刻石。文曰。爾俸爾祿。民膏民脂。下民易虐。上天難欺。

秋八月。召朱勝非兼侍讀。胡安國罷。

帝初卽位。召安國爲給事中。黃潛善惡之。遂罷。潛善去。

復召爲中書舍人。兼侍講。安國因上時政論二十一篇。

畧言。保國必先定計。定計必先建都。建都擇地。必先設險。分土必先制國。制國以守。必先恤民。夫國之有民。猶人之有元氣。不可不恤也。除亂賊。選縣令。輕賦斂。更弊法。省官吏。皆恤民事也。而行此有道。必先立政。立政有經。必先覈實。而後賞罰當。賞罰當而後號令行。人心順從。惟上所命。以守則固。以戰則勝。以攻則服。天下定矣。然欲如此。顧人主志尚如何耳。尚志所以立本也。正心所以決事也。養氣所以制敵也。宏度所以用人也。寬隱所以明德也。具此五論。入。改給事中。入對。帝曰。聞卿大名。渴于相見。何爲累召不至。安國辭謝。居旬日。再見。以

安國能劾勝非之罪而不能察秦檜之奸雖事後之是非易明先幾之得失難料或可寬其責備然以所聞游酢可方荀武之言而論亦不宜輕爲稱許夫或身佐曹魏篡謀後雖以言見忤而死豈能贖其從逆

疾力求去。帝曰：聞卿深于春秋，方欲講論，遂以左氏傳付安國點句正音。安國言：春秋經世大典，見諸行事，非空言比。方今思濟艱難，左氏繁碎，不宜虛費光陰，耽翫文采，莫若潛心聖經。帝善之，命兼侍讀，專講春秋。先是，秦檜欲傾呂頤浩而專政，乃多引知名士，布列清要以自助。安國嘗聞游酢論檜人材可方荀文若，故力言檜賢于張浚諸人。及頤浩自常州還，憾檜欲去之，問計于席益。益曰：目爲黨可也。今黨魁胡安國在瑣闥，宜先去之。會頤浩薦知紹興府朱勝非代已都督，帝從之，命下。安國奏勝非與黃潛善、汪伯彥同在政府，緘默附會，馴致渡江，尊用張邦昌，結好金國，淪滅三綱，天下憤鬱。及

之罪。檜材縱使相方亦何足取。乃安國力譽其賢。徒受黨魁之目。此不得謂爲虛聲所誤也。迂儒評臧人。材每多偏執。阿好又不幸爲小人所愚。遂致失足。難拔楊時之于蔡京。亦猶是也。

正位冢司。苗劉肆逆。貪生苟容。辱逮君父。今強敵憑陵。叛臣不忌。用人得失。繫國安危。深恐勝非上誤大計。帝爲罷都督之命。改兼侍讀。安國復持錄黃不下。頤浩特命檢正黃龜年。字德卿。福州人。書行。安國言。有官守者。不得其職。則去。臣今待罪無補。旣失其職。當去甚明。况勝非旣臣論列之人。今朝廷乃稱勝非處苗劉之變。能調聖躬。昔公羊氏言。祭仲廢君爲行權。先儒力排其說。蓋權宜廢置。非所施于君父。春秋大法。尤謹于此。建炎之失節者。今雖特釋而不問。又加進擢。習俗旣成。大非君父之利。臣以春秋入侍。而與勝非爲列。有違經訓。遂臥家不出。頤浩勸帝降旨曰。安國屢召。偃蹇不至。今始造朝。又

數有請。初論勝非不可同都督。及改命經筵。又以為非。豈不以時艱不肯盡瘁。乃欲求微罪而去。其自為謀則善。如國計何。落職提舉仙都觀。秦檜三上章留之。不報。侍御史江躋。字元壽。衢州常山人。左司諫吳表臣。字正仲。永嘉人。論勝非不可用。安國不當責。于是與張燾。字子公。饒州德興人。考宋有兩張燾。一字景元。神宗時給事中。一即此。程瑀。字伯寓。饒州浮梁人。胡世將。字承公。馬陵人。劉一止。字行簡。歸安人。林待聘、樓炤等二十餘人皆坐檜黨。並落職罷官。臺省為之一空。

以孟庾同都督江淮荆浙諸軍事。

秦檜免。榜其罪于朝堂。

先是起居郎王居正。字剛中。揚州人。與秦檜善。及檜執政。與居

河北人歸金中原人歸劉
豫則宋之餘有幾檜此
策不復心存宋室罪已當
誅且以叛逆僭竊之豫公
然視爲與國其心尤不可
問高宗能燭其奸而正斥
之尚非闇于事理者乃方
罷斥示不復用未數年籌
代張浚相位卽有秦檜何
如之問其心固未嘗果于

正論天下事甚銳。旣相。所言皆不酬。居正疾其詭。言于
帝曰。秦檜嘗語臣。中國之人。唯當著衣啗飯。共圖中興。
臣時心服其言。檜又自謂爲相數月。必聲動天下。今爲
相。設施止是。願陛下以臣所言。問檜所行。檜聞而憾之。
出居正知婺州。及胡安國罷。呂頤浩諷侍御史黃龜年
劾檜等。專主和議。沮止國家恢復遠圖。且植黨專權。漸
不可長。乃罷檜相。仍榜朝堂。示不復用。初檜所陳二策。欲以河北人還
金。中原人還劉豫。帝曰。檜言南人歸南。北人歸北。朕北
人。將安歸。檜語乃塞。至是。帝召直學士院綦崇禮。語以
是事。及居正所言。崇禮卽以帝意載于制辭。播告
中外。人始知檜之姦。綦崇禮字叔厚。高密人。
彗星見。赦求直言。

九月。韓世忠大敗劉忠于蘄陽。

今蘄州是本蘄春。晉改名。後雖復舊。並得蘄陽之稱。

惡檜故旋復柄用聽其誤國而不悔總由和議之說深中高宗隱微遂不肯終于擯棄則一時之榜罪朝堂第為衆議所迫而非其本懷耳

猶壽春之兼稱壽陽也。忠走降劉豫。

世忠自豫章移師討劉忠。駐兵岳州之長樂渡。在岳州府平武

縣西。大敗之。忠走淮西。尋以衆數萬據白面山。營柵相望。

世忠至。與賊對壘。奕棋張飲。堅壁不動。衆莫能測。一夕。

與蘇格聯騎穿賊營。候者訶問。世忠先得賊軍號。隨聲。

應之。周覽以出。喜曰。此天賜也。夜伏精兵三千于山下。

與諸將拔營而進。賊方迎戰。伏兵已馳入中軍。奪望樓。

植旗蓋。傳呼如雷。賊回顧驚潰。世忠麾將士夾擊。大破。

之。忠走降豫。宋史世忠傳作斬忠首與本紀不同。今從本紀。又解元傳。元周覽賊砦得其形勢。歸

告世忠。世忠遣元以兵薄賊。賊衆莫支。遂平。與世忠傳互異。今從世忠傳。解元字善良。保安軍人。

王倫還自金。

倫旣被留久。尼瑪哈使烏凌噶思謀見倫。語及契丹時事。倫久困懷歸。乃倡爲和議。謂思謀曰。海上之盟。兩國約爲兄弟。萬世無變。雲中之役。我實饋師。贊成厥功。上國之臣。嘗欲稱兵南來。先大聖惠顧盟好。不許。厥後舉兵以禍吾國。果先大聖意乎。况亘古自分南北。主上恭勤英俊並用。期必復古。盍思久遠之謀。歸我二帝太母。復我土疆。使南北赤子。無致塗炭。亦足以慰先大聖之靈。幸執事贊之。思謀沉思曰。君言是也。歸當盡達之。已而尼瑪哈至。曰。比上國遣使來。問其意指。多不能對。思謀傳侍郎語。欲議和。決非江南情實。特侍郎自爲此言耳。倫曰。使事有指。不然。來何爲哉。人定者勝天。天定者

亦能勝人。惟元帥察之。尼瑪哈不答。及是。尼瑪哈忽至館中。與倫議和。縱之歸報。倫至。入對。言金人情偽甚悉。帝優獎之。時方議討劉豫。和議中格。久之。乃以潘致堯爲通問使。復如金。

復以朱勝非爲尙書右僕射。同平章事。兼知樞密院事。以王似爲川陝宣撫處置副使。

張浚在關陝三年。訓新集之兵。當方張之敵。以劉子羽爲上賓。任趙開爲轉運。擢吳玠爲大將。子羽慷慨有才畧。開善理財。而玠每戰輒勝。西北遺民歸附者衆。故關陝雖失。而全蜀安堵。且以形勢牽制東南。江淮亦賴以安。朝廷疑浚殺趙哲。曲端爲無辜。任子羽。開玠爲非。是

乃以似爲副使。浚始不安。

金耶律伊都謀反。伏誅。遂大殺遼宗室。

冬十月。遣官祫享于溫州。

十一月。王彥復秦州。

彥守金州。數立奇功。以捍蜀。桑仲旣死。劇盜王闢童貴。

祁守忠等。悉阻兵窺蜀。彥皆擊平之。至是。敗劉豫將郭。

振于白石鎮。

在秦州清水縣西北。亦曰白石堡。

復秦州。張浚承制。以彥。

節制商虢陝華州軍馬。

十二月。罷湖廣宣撫使李綱。

綱至潭州。湖湘羣盜先後就降。綱上言。荆湖自昔用武之地。今朝廷保有東南。制馭西北。當于鼎澧荆鄂皆宿。

重兵使與四川襄漢相接。乃有恢復中原之漸。會呂頤
浩言綱縱暴無善狀。而諫官徐俯劉斐亦劾綱。遂罷提
舉崇福宮。

初取江浙湖南月椿錢。

呂頤浩朱勝非以軍用不足。議令漕臣計月椿辦大軍

錢物。謂之月椿錢。

其錢許取經制錢充數。不足取上供

錢贍軍酒息錢。常平錢。淨制錢。諸

窠名。皆許移用。惟茶鹽錢不得用。當時漕司不量州軍

之力。一例均科。既有偏重之弊。又所椿不給十之一二。

一月未畢。而後月之期已逼。于是郡邑多橫賦。大爲東

南民患。

召張浚知樞密院事。

宋自王安石蔡京相繼言利橫征重斂民不聊生邦本因而不固高宗親見閭閻疾苦定爲差役法思欲與民休息曾幾何時復有月椿之取百姓方凋敝已極區區免役小惠元氣豈能遽復旋即加之腰削其何以堪况彼時僅餘東南半壁尙使其權于塗炭更安望能復侵地以保遺黎頤浩輩謀國不臧罪固無可他諉高宗明知而復蹈

之亦獨何耶

浚聞王似來上疏求解兵柄。且論似不可任。呂頤浩不悅。朱勝非又以宿憾。日短浚。故召之。而以盧法原爲川陝宣撫副使。與王似同治司事。

癸丑三年。金天會十一年。春正月。李橫舉兵侵金。復潁昌府。

橫屢敗劉豫及金兵。詔以橫爲襄陽府鄧隨郢州鎮撫使。

詔春秋望祭諸陵。

二月。劉子羽。吳玠兵潰于饒風關。在興安州石泉縣西。金人入興元。

子羽玠還擊破之。

金人久窺蜀。以吳玠駐兵和尚原。扼其衝。不得逞。將出奇取之。乃以叛將李彥琪駐秦州。晚仙人關。在漢中府鳳縣西南。

以綴吳玠河池之師。復令游騎出熙河。以綴關師古。

時師

古新復熙

薩里干自商於直擣上津。

隋縣故城在今

攻

鞏諸州

金州。王彥以三千人迎敵而敗。退保石泉。薩里干遂乘

勝而進。長驅趨洋漢。劉子羽聞王彥敗。亟命田晟守饒

風關。而遣人召吳玠入援。玠自河池。日夜馳三百里。至

饒風。以黃柑遺金將曰。大軍遠來。聊用止渴。薩里干大

驚。以杖擊地曰。爾來何速耶。遂悉力仰攻。一人先登。二

人擁後。先者既死。後者代攻。玠軍弓弩亂發。大石推壓。

如是者六晝夜。死者山積。金乃更募死士。由間道自祖

溪關。

在饒風

入。繞出玠後。乘高以闚饒風。諸軍不支。遂

潰。金

入洋州。玠邀子羽去。子羽不可。而留玠同守定軍

山。注見前。玠難之遂退保西縣。江亦見前。子羽亦焚興元退保

三泉。薩里干遂入興元至金牛鎮。本唐金牛縣廢為鎮在今漢中府沔縣

西。四川大震。子羽從兵不滿三百與士卒取草芽木甲食之。遺玠書訣別。玠得書未有行意其愛

將楊政大呼軍門曰節使不可負劉待制不然政輩亦舍節使去矣。玠乃間道會子羽。楊政字制夫原州臨

涇縣人。子羽邀玠共守三泉。玠曰關外蜀之門戶不可輕

棄。復往守仙人關。子羽以潭毒山在沔縣西南形斗拔其上

寬平有水乃築壁壘方成而金人已至距營十數里子

羽據胡床坐壘口諸將泣告曰此非待制坐處子羽曰

子羽今日死于此金人尋亦引去。時張浚欲移守潼川子羽遺書言已在此

金人必不南浚乃止。金兵由斜谷北去子羽謀薩里干邀之于武休不及武休關名在鳳縣東南

既至鳳翔遣十人持書招子羽子羽皆斬之而縱其一

還曰。歸語爾帥。欲來卽來。吾有死爾。何可招也。初。子羽聞有金兵。預徙梁洋之積。及金人深入。饋餉不繼。殺馬及兩河所僉軍士以食。而子羽玠復腹背要擊之。死傷十五六。疫癘且作。乃引衆還。子羽玠因出師掩其後。金人墮溪澗死者。不可勝計。盡棄輜重而走。餘兵不能自拔者悉降。子羽遂還興元。金人始謀。本謂玠在西邊。故涉險東來。不虞玠馳至。雖入三州。而得不償失。未幾。王彥復金州。金人遂棄均房。

三月。李橫傳檄。收復東京。劉豫以金人來戰于牟駝岡。橫師敗績。賴昌復失。

橫軍本羣盜。無紀律。勝則爭取子女玉帛。故至于敗。

夏四月。劉豫將董震以虢州來歸。李成復寇陷之。

成欲降統制謝皐。

開封人。

皐指腹示之曰。此吾赤心也。自

剖其心以死。

五月。以韓肖胄

字似夫。琦曾孫。

簽書樞密院事。遣使金。

潘致堯還。言金欲再遣重臣以取信。遂寢出師之議。而

遣肖胄及胡松年。

字茂老。海州懷仁人。

往金議和。至齊。劉豫欲以

臣禮見肖胄。無以應。松年曰。均爲宋臣。遂長揖不拜。豫

不能屈。

詔李橫等班師還鎮。禁邊兵侵齊。

以與金議和也。仍禁諸路招納淮北及中原人來歸者。

六月。岳飛討江廣羣盜。悉平之。

時虔吉盜連兵寇掠循梅廣惠英韶南雄南安建昌邵

武

宋軍名。今福建邵武府是。餘注俱見前。

汀諸州。帝專命飛平之。飛至虔

固石洞。

固石山洞也。在雩都縣北。雩都。漢縣。今屬贛州府。

賊彭友悉衆至雩都

迎戰。躍馬馳突。飛揮兵卽馬上擒之。餘黨退保固石洞。

洞高峻環水。止一徑可入。飛列騎山下。令皆持滿。黎明

遣死士疾馳登山。賊衆亂棄山而走。騎兵圍之。賊呼丐

命。飛令勿殺。受其降。因授徐慶等方畧。捕諸郡餘賊。皆

破降之。初。帝以隆祐太后震驚之故。密令飛屠虔城。飛

請誅首惡而赦脇從。帝許焉。虔人感其德。繪像祠之。及

入見。帝手書精忠岳飛四字。製旗以賜之。

秋七月。復置博學宏詞科。

楞身為俘繫固難責其誓志枕戈而值邦家傾覆亦當懷生還故國之念乃無端告變圖害父兄金人按問而正其罪深合春秋亂臣賊子之誅不特為宋族除鼻境而已也然宋族顛沛流離至此而尚有操室中之戈者則其家教人心從可知矣非徽欽之罪其誰之罪乎

八月翟琮棄軍奔襄陽。劉豫遂陷伊陽。

劉豫盡有梁衛之地。琮不能孤立。乃棄伊陽。突圍奔襄陽。

沂王楞有罪。金人殺之。

楞與駙馬劉文彥告二帝謀變。金人按問無狀。楞等被誅。

九月。呂頤浩免。

頤浩屢請興師復中原。謂太祖取天下。兵不過十萬。今有兵十六七萬矣。然自金人南牧。莫敢撓其鋒。比年韓世忠、張俊、陳思恭、張崇屢奏。人有戰心。天將悔禍。又金人以中原付劉豫。三尺童子。知其不能立國。願睿斷早

定。決策北向。今之精兵。皆中原人。恐久而消磨。他日難以舉事。帝方主和議。不從。至是以水旱不時。蘇湖二州地震。下詔罪已求言。頤浩連章待罪。帝一日謂大臣曰。國朝四方水旱。無不上聞。近蘇湖地震。泉州大水。輒不以奏。何也。會侍御史辛炳。字如晦。候官人。殿中侍御史常同。字子以奏。何也。會侍御史辛炳。字如晦。候官人。殿中侍御史常同。字政臨。臨人。論頤浩過惡。遂罷為鎮南節度使。提舉洞霄宮。頤浩有膽畧。善弓馬。當國步艱難之日。人倚為重。然其再相也。胡安國勸其法韓忠獻。以至公無我為先。報復恩讐為戒。頤浩不能用。

以劉光世。韓世忠為江東兩浙宣撫使。王玠。岳飛為荆湖江西制置使。分屯沿江諸州。

時諸將擁重兵而無分地。劉光世在鎮江。月費至二十

萬緡。每聞易鎮。則設辭不奉詔。有急復遷延以避之。朝廷無如之何。故命四人易鎮。光世爲江東淮西宣撫使。屯池州。世忠爲淮南東路宣撫使。屯鎮江。玠爲荆湖制置使。屯鄂州。飛爲江南西路制置使。屯江州。

冬十月。李成陷京西諸郡。

成陷鄧州。復陷襄陽。據之。李橫奔荆南。知隨州李道及鄧州李簡俱遁。

十一月。復元祐十科取士法。

從朱勝非之言也。

金烏珠破和尚原。

于是宣撫司分陝西之地。自秦鳳至洋州。以利州制置

使吳玠主之。屯仙人關。金房至巴達。鎮撫使王彥主之。

屯通州。

今四川達州。本西魏通州。宋改達州。通川郡。此云通州。蓋通川之誤。

文龍至威茂。

統制劉錡主之。屯巴西。洮岷至階成。統制關師古主之。

屯武都。

十二月。韓肖胄偕金使來。

帝自卽位。屢遣使如金。多見拘留。而金未嘗遣一介報聘。至是。尼瑪哈使李永壽王翊來。請還劉豫之俘。及西北士民之在南者。且欲畫江以益劉豫。與秦檜前議。脗合。識者益知檜與金人共謀矣。殿中侍御史常同言。先振國威。則和戰常在我。若一意議和。則和戰常在彼。靖康以來。分爲兩事。可爲鑒戒。帝因語及武備。曰。今養兵。

已二十萬有奇。同日未聞二十萬兵而畏人者也。帝不

聽復遣樞密都承旨章誼字宜叟。浦城人。爲金國通問使。請還

兩宮及河南地。肖胄與朱勝非不合。尋罷。

甲寅四年。金天會十二年。春三月。吳玠。吳玠與金烏珠戰于仙人關。

大敗之。

先是。璘守和尚原。饋餉不繼。玠慮金人必復深入。且其

地去蜀遠。乃命璘別營壘于仙人關右。名曰殺金平。移

兵守之。至是。烏珠。薩里干。劉夔帥步騎十萬。由和尚原

進攻仙人關。自鐵山注見前。鑿崖開道。循嶺東下。玠以萬

人守殺金平。以當其衝。璘自武階路入援。先以書抵玠。

謂殺金平之地濶遠。前陣散漫。後陣阻隘。宜益修第二

隘示必死戰。然後可以必勝。玠從之。急治第二隘。璘冒圍轉戰七晝夜。始得與玠會于仙人關。金人首攻玠營。玠擊走之。又以雲梯攻壘壁。楊政以撞竿碎其梯。以長矛刺之。諸將有請別擇地以守者。璘拔刀畫地。謂諸將曰。死則死此。退者斬。金軍分爲二。烏珠陣于東。韓常陣于西。璘率銳卒介其間。右繞左縈。隨急而後戰。戰久。璘軍少憊。急屯第二隘。金生兵踵至。人被重鎧。鐵鈎相連。魚貫而上。璘以駐隊矢迭射。矢下如雨。死者層積。金軍踐而登。薩里干駐馬四視曰。吾得之矣。翌日。命攻西北樓。姚仲登樓酣戰。樓傾。以帛爲繩。挽之復正。金人用火攻樓。仲以酒缶撲滅之。玠卽遣統領田晟。以長刀大斧。

左右擊。明炬四山。震鼓動地。明日。大出兵。統領王喜。王武。率銳士。分紫白旗。入金營。金陣亂。奮擊射。韓常中左目。金人始宵遁。玠遣統制官張彥。刳橫山砦。王浚伏河池。扼其歸路。又敗之。是役也。烏珠以下。皆攜妻孥來。劉夔乃劉豫腹心。本謂蜀可圖。旣不得逞。度玠終不可犯。乃還據鳳翔。授甲士田。爲久留計。自是不輕動矣。

以趙鼎參知政事。

鼎旣輔政。與簽書樞密院事徐俯議不合。俯尋罷。朱勝非薦胡松年代之。

召孟庾還。罷都督府。以其兵屬張俊。

張浚至臨安。罷爲資政殿大學士。居之福州。

張浚留平之敗心雖可原然失律之罰不可逭也至劉子羽以參軍枝拄其間既諫浚于未戰之前及浚屢欲退遁皆以子羽之言而止饒風之役亦不為無功朝議因其與浚同事並從貶逐殊失黜陟之平豈其前後參畫朝廷皆未之聞乎

浚雖被召以劉子羽等軍敗秘其事未行及是浚至臨安中丞辛炳與殿中侍御史常同等劾浚喪師失地跋扈不臣遂落職奉祠福州居住安置劉子羽于白州唐今廣西鬱林州博白縣是浚即日行詔以王似為川陝宣撫使盧法原吳玠副之法原尋卒

夏四月關師古兵敗降于劉豫

師古遣兵拔金寨數十金人大衄至是慕洧與金人合

兵攻之師古戰不勝遂以洧岷二州降豫續綱目作降金考師古後

為劉豫將入寇是降豫非降金也今依宋史改輔

以范冲字元長直史館重修神宗哲宗實錄

先是隆祐太后生辰置酒宮中從容謂帝曰宣仁太后

之賢。古今母后。未有其比。昔姦臣肆爲謗誣。雖嘗下詔明辨。而國史尚未刪定。豈足傳信。吾意在天之靈。不無望于帝也。帝悚然。至是召冲直史館。重修神宗哲宗實錄。冲乃爲神宗考異。明示去取。舊文以墨書。刪去者以黃書。新修者以朱書。世號朱墨史。又爲哲宗辯誣錄。由是二史得其正。而姦臣情狀益著。其後論詆誣罪。追貶章惇。蔡卞等官。

五月。以岳飛兼荆南制置使。

時楊太與劉豫通。欲順流而下。李成旣據襄陽。又欲自江西陸行趨浙。與太會。帝命飛爲之備。朱勝非言。襄陽國之上流。不可不急取。飛亦奏。襄陽等六郡。爲恢復中原基本。今當先取六郡。以除心膂之病。李成遠遁。然後

加兵湖湘以殄羣盜。帝以語趙鼎。鼎曰：「知上流利害。無如飛者。除飛兼荆南制置使。飛渡江中流。顧幕屬曰：『飛不擒賊。不涉此江。』」

秋七月。岳飛復襄陽等六郡。

先是飛至郢。僞齊將京超號萬人敵。乘城拒飛。飛鼓衆而登。超投崖死。飛復郢州。遂趨襄陽。李成迎戰。左臨襄江。飛笑曰：「步兵利險阻。騎兵利平曠。成左列騎江岸。右列步平地。雖衆十萬。何能爲舉鞭！」指王貴曰：「爾以長槍步卒擊其騎兵。」指牛皋曰：「爾以騎兵擊其步卒。」合戰。賊馬應鎗而斃。餘騎皆擁入江。步卒死者無數。成夜遁。飛遂復襄陽。齊人收成餘衆。各兵駐新野。飛與別將王萬

夾擊大敗之。又使牛皐復隨州。王貴張憲復唐鄧州。信陽軍襄漢悉平。飛移屯德安。軍聲大振。捷聞。帝喜曰。朕素聞飛行軍有紀律。未知其能破敵如此。飛因奏金人所愛。惟子女十萬。直搗中原。恢復故疆。誠易為力。襄陽隨郢地皆膏腴。苟行營田。其利甚厚。臣候糧足。即過江北勦敵。時方重深入之舉。而營田之議。自是興矣。八月。以趙鼎知樞密院事。都督川陝荆襄諸軍事。

徐俯既去。言者謂當國者不知兵。乞令參政通知。由是

鼎為朱勝非所忌。除鼎樞密都督。鼎辭以非才。帝曰。四

川全盛。半天下之地。盡以付卿。黜陟專之可也。鼎條奏便宜。復

為勝非所抑。乃上疏言。頃者陛下遣張浚出使川陝。國勢百倍于今。浚有補天浴日之功。陛下有礪山帶河之誓。君臣相信。古今無二。而終致物議。以被竄逐。夫喪師失地。浚則有之。然未必如言者之甚也。大抵專黜陟之

鼎此疏論張浚川陝情事頗得其平至大將得專黜陟最為弊政夫閭外便宜

蓋謂施于號令賞罰藉以勸勵戎行若進管貶秩驟得自由不復稟承廟堂則黜陟之不已勢且擅操生殺自昔強藩悍鎮未有因此敗扈者是歟怨之患小而侵權之患大鼎所言何未得其竅要也

典。受不御之權。則小人不安其分。謂爵賞可以苟求。一不如意。便生觖望。是時蜀土至于醴金募人。詣闕訟之。以無為有。何以自明。故有志之士。欲為國立事者。每以浚為戒。今臣無浚之功。當此重責。去朝廷遠。恐好惡是非。行復紛紛于聰明之下矣。望憫臣孤忠。使得展布四體。少寬陛下西顧之憂。又言。臣所請兵。不滿數千。半皆老弱。所齎金帛至微。薦舉之人。除命甫下。彈墨已行。臣日侍宸展。所陳已艱難。況在萬里之外乎。

遣吏部員外郎魏良臣使金

初章誼至雲中。論李永壽所需三事。金人互有可否。獨畫疆一事未定。而尼瑪哈答書。又約以淮南毋得屯兵。蓋欲畫江以益劉豫。誼等還至淮陽。為豫所留。以計得免。帝嘉勞久之。又命良臣奉表通問。時金人已定議出兵。而帝未之知也。

楊太敗官軍于鼎江。

在常德府武陵縣北。源出梁山。下流至龍陽縣入沅。謂之鼎口。朗陵地圖。

昔有神鼎出其間故名。詔岳飛移兵討之。

先是詔都統制王玠會兵討楊太。至是玠遣忠銳統制

崔增等討太于鼎江。師敗皆沒。太乘大水出兵攻破鼎

州社木寨。在武陵縣東。守將許瑩戰沒。官軍死者甚衆。于是

授飛清遠軍節度使。代王玠討太。飛時年三十二。中興諸將建節未有如飛

之年少者。

九月朱勝非罷。

先是勝非以母喪去位。詔起復之。會久雨。勝非累章乞

免。且自論當罷者十一事。帝未許。侍御史魏矼字邦達和州歷

陽人。劾其過。勝非亦請解官持餘服許之。

劉豫使乞師于金。遣其子麟入寇。

先是金主與尼瑪哈議南侵。會烏珠還。力言不可。曰。江南卑濕。今士馬困憊。糧儲未豐。恐無成功。尼瑪哈曰。都監務偷安耳。金主以議不合。乃止。至是。劉豫聞岳飛復襄鄧。遂乞師于金。金主乃命鄂爾多達賚。調渤海漢軍五萬以應豫。謂烏珠知地險易。使將前軍。豫遣其子麟姪猊。各將兵會金兵南下。騎兵自泗攻滁。步兵自楚攻承州。今揚州府高郵州。宋爲軍。建炎中改承州。尋復舊。以趙鼎爲尙書右僕射。同平章事。兼知樞密院事。沈與求參知政事。

時邊報驟至。舉朝震恐。鼎將赴川陝。陛辭。帝曰。卿豈可遠去。當遂相朕制下朝士相慶。

冬十月。詔韓世忠進屯揚州。

詔辭懇切。世忠感泣曰。主憂如此。臣子何以生爲。遂濟師進屯揚州。

召張浚于福州。

初。浚至福州。慮金齊必併力窺東南。而朝廷已議講解。因上疏極言其狀。至是。帝思其言。會趙鼎勸帝親征。帝從之。喻樗字子才。南昌人。謂鼎曰。六龍臨江。兵氣百倍。然公自度此舉。果出萬全乎。或姑試一擲也。鼎曰。中國累年退避不振。敵情益驕。義不可更屈。故贊上行耳。若事之濟否。則非鼎所知也。樗曰。然則當思歸路耳。張德遠有重望。若使宣撫江淮荆浙福建。俾以諸道兵赴闕。則其來以鼎比之。寇準共志。雖同。然一往勇斷集事也。論者

而才力不逮遠甚若喻樛
之慮非萬全及預思歸路
仍書生畏怯之見其視顧
浩下策相去蓋無幾耳

路。卽朝廷歸路也。鼎然之。入言于帝。遂召浚以資政殿
學士。提舉萬壽觀。兼侍讀。

韓世忠大敗金人于大儀。

鎮名。在揚州府甘泉縣西。與泗州天長縣接界。

追至淮

而還。

世忠至揚州。使統制解元守承州。候金步卒。親提騎兵
駐大儀。以當金騎。伐木爲柵。自斷歸路。會魏良臣使金
過之。世忠撒炊爨。給良臣有詔移屯平江。良臣疾馳去。
世忠度良臣已出境。卽上馬令軍中曰。旼吾鞭所嚮。于
是移軍向大儀。勒五陣。設伏二十餘所。約聞鼓卽起擊。
良臣至金軍中。金前將軍聶呼貝勒。舊作聶兒字堇。今改。後仿此。問
官軍動息。具以所見對。聶呼貝勒大喜。卽引兵至江口。

距大儀五里。別將托卜嘉擁鐵騎過五陣東。世忠傳小麾鳴鼓。伏兵四起。旗色與金人旗雜。金軍亂。官軍迭進。

世忠令背嵬軍。

北人呼酒瓶爲嵬。大將之酒瓶必令親信人負之。故韓岳皆取爲親隨軍之名。

當時最號健銳。見趙彥衛雲麓漫抄。

各持長斧上搥人胸。下斫馬足。金兵

多陷泥淖。世忠麾勁騎四面蹂躪。人馬俱斃。擒托卜嘉等二百餘人。而世忠所遣董旼亦擊敗金兵于天長之鷗口橋。解元至承州。設伏以待。又決河以遏之。一日十三戰。相拒未決。世忠遣成閔將騎士往援。復大戰。俘獲甚多。世忠復親追至淮。金人驚潰。相蹈藉溺死者甚衆。論者以此舉爲中興武功第一。

帝自將禦金。次于平江。

高宗決計親征趙鼎遂留
襄贊此正可轉之機諸將
聞之自當奮勵同心力圖

金齊之兵日迫。羣臣勸帝他幸。散百司以避之。張俊曰。避將安之。惟進禦乃可耳。趙鼎曰。戰而不捷。去未晚也。帝因曰。朕爲二聖在遠。屈已議和。而彼復肆侵陵。朕當親總六師。臨江決戰。沈與求復力贊之。鼎喜曰。累年退怯。敵志益驕。今聖斷親征。將士必奮。成功可必。臣願効區區以圖報國。于是以孟庾爲行宮留守。命百司不預軍旅之務者。從便避兵。以張俊爲浙西江東宣撫使。王玠爲江西沿江制置使。胡松年詣江上。會諸將議進兵。劉光世自建康移軍太平州。時光世與韓世忠有私隙。帝命御史魏在等論解之。光世始移軍爲援。太平州今安徽太平府是。後宮自温州泛海如泉州。光世遣人諷鼎曰。和公自入蜀。何事爲他人任忠。韓世忠

興復乃劉光世竟遣人謁鼎且敢云何事爲他人任患視軍國之重如膜外忽君臣之義若路人喪心至此雖寸斬亦不足以蔽其罪獨世忠素以忠誠自勵揚州濟師大儀克捷頗懷敵愾之心乃亦有趙丞相真敢爲之語何其與行事大相刺謬邪

亦曰趙丞相真敢爲者鼎聞之恐上意中變乘間言陛下養兵十年用之正在今日若少加退沮卽人心渙散長江之險不可復恃矣帝遂發臨安劉錫楊沂中以禁兵扈從韓世忠捷奏至帝次平江欲自渡江決戰鼎曰敵之遠來利在速戰遽與爭鋒非策也且逆豫猶遣其子豈可煩至尊邪帝乃止及胡松年自江上還云北兵大集然後知鼎之有先見也

十一月詔暴劉豫罪逆于六師

自豫僭逆朝廷以金故至名爲大齊至是始聲其罪以厲六師

以張浚知樞密院事視師江上

浚至見趙鼎執其手曰此行舉措皆合人心鼎笑曰喻子才之功也復命浚知樞密院事以其盡忠竭節詔諭中外浚既受命卽日赴江上視師時達賚烏珠擁兵十萬約日渡江決戰浚長驅臨江召劉光世韓世忠張俊議事將士見浚勇氣十倍浚既部分諸將身留鎮江以節制之

十二月金人圍廬州岳飛使牛皐救之金兵敗走

金齊合兵圍廬州守臣仇愈嬰城固守求援于飛飛遣牛皐徐慶援之皐至遙語金將曰牛皐在此爾輩胡爲見犯衆愕然不戰而潰飛謂皐曰必追之去而復來無益也皐乃追擊三十餘里金人相踐及殺死者不可勝

計。

魏良臣還自金。

良臣至金。尼瑪哈言。當割建州以南。王爾家爲小國。索銀絹十萬。犒軍。仍約良臣等再使。侍御史魏玪請罷講和二字。以攻守代之。飭厲諸將。力圖攘敵。遂不復遣。

金兵自淮引還。

達賚屯泗州。烏珠屯竹塹鎮。

在泗州東南。路通天長。六合。

爲韓世忠

所扼。以書幣約戰。世忠遣麾下王愈及兩伶人。以橘茗報之。且言張樞密已在鎮江。烏珠曰。張樞密貶嶺南。何得乃在此。愈出浚所下文書示之。烏珠色變。遂有歸意。會雨雪。餽道不通。野無所掠。殺馬而食。蕃漢軍皆怨。又

張浚與金交兵。動輒敗衄。非有先聲。可畏。烏珠方帥勁旅南下。何至聞其來而

遽變色思歸乎蓋金兵本
因劉豫邀請以出餽道既
已不繼又聞太宗病篤故
無功而還耳譽浚者遂飾
為此說不足信也

御批歷代通鑑輯覽

卷之八十三

聞金主病篤乃夜引還烏珠等既去劉麟劉猷不能獨
留亦棄輜重遁帝謂趙鼎曰近將士奮勇爭先諸路守
臣亦翕然自効乃朕用卿之力也鼎謝曰皆出聖斷臣
何力之有或問鼎曰金人傾國來攻衆皆洶懼公獨言
不足畏何也鼎曰敵雖衆然以劉豫邀而來非其本心
戰必不力是以知其不足畏也帝語張浚曰趙鼎真宰
相天使佐朕中興可謂宗社之幸鼎奏金人遁歸尤當
博采羣言爲善後之計于是詔宰執議攻戰備禦措置
綏懷之方提舉臨安府洞霄宮李綱上疏曰陛下勿以東
南爲可安而以中原未復爲可恥勿以諸將屢捷爲可
賀而以軍政未修士氣未振爲可虞議者或以敵馬既
退當遂用兵爲大舉之計臣竊以爲生理未固而欲復
戰以僥倖非制勝之術也今朝廷以東南爲根本苟不

大修守備。先爲自固之計。何以能萬全而制敵。議者又謂敵人旣退。當且保據一隅。以求目前之安。臣謂祖宗境土。豈可坐視淪陷。不務恢復。若今歲不征。明年不戰。使敵勢益張。而吾之所糾合精銳士馬。日以耗損。何以圖敵。唯宜于防守旣固。軍政旣修之後。卽議攻討。乃爲得計。其守備之宜。則先料理東南屏蔽。當于淮之東西。及荆襄。置三大帥。屯全兵以臨之。分遣偏師。進守文郡。加以戰艦水軍。上連下接。自爲防守。則藩籬之勢成。然後可議攻戰之利。分責諸路大帥。因利乘便。收復京畿。以及故都。斷以必爲之志。而勿失機會。則以弱爲強。取威定亂。逆臣可除。彊敵可滅。若夫萬乘所居。必擇形勢。莫若權于建康。駐蹕治城池。修宮闕。立官府。創營壁。使粗成規模。以待巡幸。至于西北之民。皆陛下赤子。荷祖宗涵養之深。其心未嘗忘宋。特制于彊敵。不能自歸。宜優加撫循。使陷溺之民。知所依怙。臣竊觀近年以來。所用之臣。閒暇則以和議爲得計。而以治兵爲失策。倉卒則以退避爲愛君。而以進禦爲誤國。國勢益弱。職此之由。今天啓宸衷。悟前日和議退避之失。親臨大敵。天威所加。使北軍數十萬之衆。震怖不敢南渡。潛師宵奔。則和議之與治兵。退避之與進禦。其效槩可見矣。然敵兵雖退。未大懲創。安知其秋高馬肥。不再來擾我疆場。使疲于奔命哉。且退避之策。可暫而不可常。可一而不可

再退一步。則失一步。退一尺。則失一尺。往時自南都退至維揚。則河北河東關陝失矣。自維揚退至江浙。則京東西失矣。萬一敵騎南牧。將復退避。不知何所適而可乎。航海之策。萬乘冒波濤之險。此又不可之尤者。臣願陛下自今以往。勿復爲退避之計。夫古者敵國善隣。則有和親。仇讐之邦。鮮復遣使。今金人造釁之深。知我必報。其措意爲何如。而我方且卑辭厚幣。屈體以求之。其不推誠以見信決矣。器幣禮物。所費不貲。使軺往來。坐索士氣。而又邀我以必不可從之事。制我以必不敢爲之謀。是和卒不成。而徒爲此擾擾也。臣願自今以往。勿復遣和議之使。二者旣定。擇所當爲者。一切以至誠爲之。俟吾之政事修。倉廩實。府庫充。器用備。士氣振。力可有爲。乃議大舉。則兵雖未交。而勝負之勢決矣。惟陛下正心以正朝廷。百官使君子小人各得其分。則是非明。賞罰當。自然藩方協力。將士用命。雖疆敵不足畏。逆臣不足憂。此特在陛下方寸間耳。疏奏。帝賜詔褒諭。然卒不能用。

乙卯五年。金熙宗直仍稱。春正月乙巳朔。日食。

召張浚還。

浚既還。乃命韓世忠屯鎮江。劉光世屯太平。張俊屯建康。俊嘗以其軍從上行。至是始軍于外。

金主晟殂。兄之孫亶

本名赫拉。太祖第二子勝果之子。勝果後改名宗峻。按赫拉舊作合刺。

勝果。舊作繩果。今改。後仿此。立。是為金

初尼瑪哈烏珠等會朝上京。

金以會寧府為上京。今寧古塔東南。有和碩城。即其

遺址。舊作火茸。今改。

以阿木班貝勒位久虛。請立太祖之孫赫拉。

金主不得已。許之。赫拉即亶也。至是金主殂。

廟號太宗。葬恭陵。後

改葬大房山。

亶立。

追尊其考勝果為景宣皇帝。妣富察氏。為惠昭皇后。又追帝其先祖。西普曰始祖。烏

魯曰德帝。巴哈曰安帝。綏赫曰獻祖。烏古孛曰景祖。合理博曰世祖。蒲拉舒曰肅宗。盈格曰穆宗。烏雅舒曰康

宗。妣皆為后。復定景祖世祖太祖太宗廟。皆不祧。按烏魯舊作烏魯。巴哈舊作跋海。綏赫舊作綏可。今改。

二月。帝如臨安。

以趙鼎張浚爲尙書左右僕射並同平章事兼知樞密院事都督諸路軍馬。

鼎浚相得甚歡人知其將並相史館校勘喻樗獨曰二人宜且同在樞府他日趙退則張繼之立事任人未甚相遠則氣脈長若同處相位萬一不合而去則必更張。

是賢者自相背戾矣尋命浚如江上議邊防浚以建康東南都會

而洞庭據上流恐楊太滋蔓爲害請乘其急討之已而浚視師潭州至醴陵釋邑囚數百皆太謀者給以文榜俾招諭諸砦皆謹呼而去于是相率來降醴陵後漢縣今屬湖南長沙府

吳玠復秦州

吳玠聞金侵湖南遣吳玠楊政玠機牽制玠等出奇兵自天水至秦拔其城薩里干聞秦州被圍集諸道兵來

援政復擊敗之。

作太廟于臨安。

高宗倉皇南渡。載主以行。復因航海留置温州。僅委守臣薦享此實。愆禮之大者。及臨安規模粗定。權立廟以奉烝嘗。不得謂之過舉。而當時輒以不復有意中原文章論奏。實為不揣其本而齊其末。使高宗果能銳志興復。則俟還遷舊都。再議迎奉。亦復何損。若徒以建廟為將久居東南。則是汴京一日不復。廟主一日不得安馨。揆之于理。又孰得而孰失乎。

時太廟神主寓温州。歲時委守臣薦享。司封郎中林待聘言。神主禮宜在都。今新邑未奠。請考古師行載主之義。還之行闕。以彰聖孝。于是始就臨安建太廟。遣太常少卿張銖迎神主奉安。帝行欵謁禮。侍御史張致遠字猷。南劍州沙縣人。言。創建太廟。甚失興復大計。殿中侍御史張絢亦言。去年建明堂。今年立太廟。是將以臨安為久居之地。不復有意中原。不報。

閏月置總制司。

命戶部尚書章誼措置財用。以孟庾提領總制司。先是。

帝在揚州。四方貢賦。不以期至。呂頤浩。葉夢得等言。宣和間。陳亨伯爲陝西轉運使。創經制錢。大率添酒價。增歲額。官賣契紙。與凡公家出納。每千收頭子錢二十三文。其後行之。東南及京東西河北。歲入數百萬緡。所補不細。今邊事未寧。費用日廣。請復行之。諸路一歲無慮數百萬計。賢于緩急。暴斂多矣。帝從之。至是。又因經制之額。增析爲總制錢。總制錢。窠名甚多。其數之可考者。如酒務。不論上下。每升各增五文。田宅契稅之外。又令得產人出勘合錢十文。又凡稅賦畸零。如絹至一寸。亦收一尺。米至一秒。亦收一升之類。並令折納。又常平錢物。舊每貫收頭子錢五文。今依諸錢例。亦收二十三文。又免役寬剩錢。並令發付行在。歲收錢至七百八十餘萬緡。

夏四月。罷諸州鎮撫使。

先是陳規守德安七年。賊不敢犯。召入朝。乞罷鍾撫使。帝從之。不復除。至是盡罷。

封周後柴叔夏爲崇義公。

上皇卒于金。

遺言欲歸葬內地。金主不許。時兵部侍郎司馬朴與奉使朱弁在燕山聞之。服斬衰。朝夕哭。金人義之而不責。洪皓在冷山聞之。北面泣血。操文以祭。其詞激烈。聞者揮涕。

史臣曰。徽宗之失國也。疎斥正士。狎近姦諛。蔡京以佞薄巧。佞之資。濟其驕奢淫佚之志。溺信虛無。崇飾游觀。君臣逸豫。怠棄國政。及童貫用事。又勤兵于遠。稔禍速亂。遂致國破身辱。豈得諉諸數哉。自古人君玩物喪志。縱慾敗度。鮮不亡者。徽宗特甚焉爾。

行狀卷之六十五

龍圖閣直學士致仕楊時卒。諡文靖。

時奉祠致仕。優游林泉。以著書講學為事。及是卒。年八

十三。初時為蕭山令。博羅主簿。羅從彥聞時得程氏之

不至是。幾虛過一生矣。既卒業歸。築室山中。絕意仕進。學者稱為豫章先生。延平李侗初從從彥學。從彥令于

靜中看喜怒哀樂未發前氣象。而求所謂中者。久之。于天下之理。該攝洞貫。以次融釋。從彥甚重之。侗嘗曰。學

問之道。不在多言。但默坐澄心。體認天理自見。學者稱為延平先生。蕭山唐縣。今屬浙江紹興府。博羅。秦縣

今屬廣東惠州府。羅從彥字仲素。李侗字愿中。皆南劍州人。

五月遣忠訓郎何薛使金。罷中書舍人胡寅。

寅上疏言。女真驚動陵寢。戕毀宗廟。刳質二帝。塗炭生

民。乃陛下之大讐也。自建炎丁未至紹興甲寅。卑辭厚

禮。以問安迎請為名。而遣使者。不知幾人矣。知二帝所

胡寅謂金甯示欲和之端而宋坐受其餌曲盡建炎紹興時事高宗惟博納諫之名張浚亦持碩稜之說卒至使臣絡繹而和議難成豈非溺于餌而終不悟哉

在見二帝之面得女真之要領。因講和而能息兵者誰歟。但見通和之使歸。未息肩而黃河長淮大江相繼失險矣。夫女真知中國所重在二帝。所恨在刳質。所畏在用兵。則常示欲和之端。增吾所重。平吾所恨。匿吾所畏。而中國坐受此餌。既久而後悟也。天下其謂自是改圖矣。何爲復出此謬計邪。荀曰。姑爲是。豈有修書稱臣。厚費金帛。而成就一姑息之事也。荀曰。以二帝之故。不得不然。則前效可考矣。况歲月益久。敵情益闕。必無可通之理也。適觀何薛之事。恐和說復行。國論傾危。士氣沮喪。所繫不細。疏入。詔褒諭之。會張浚奏言。使事兵家機權。後將闢地復土。終歸于和。未可遽絕。乃遣薛行寅因

乞外知邵州。

封瑗為建國公。就學資善堂。

趙鼎請以行宮新作書院為資善堂。命建國公聽讀。且

薦徽猷閣待制范冲兼翊善。起居郎朱震字子發。荆兼門軍人。

贊讀。朝論二人極天下之選。帝命瑗見之。皆設拜。

行統元歷。

常州布衣陳得一所造也。

六月。岳飛大破楊太于洞庭。六死。湖湘平。

飛奉命討太。而所部皆西北人。不習水戰。飛曰。兵何當。

顧用之何如耳。乃先遣使招諭之。其黨黃佐曰。岳節使

號令如山。若與戰。萬無生理。不如往降。節使誠信。必善

高宗擇立孝宗為嗣。當時多請付托得人。蓋以藝祖後不克享天下人心頗有餘憾。一旦見昌陵之裔復繼大統。不覺溢美任情。至以孝宗推許孝宗則實過矣。孝宗雖承歡德壽。猶學右文。不過蒙偏安之業。端處晏然而已。中原侵地未能恢復。尺寸而符離之役任用非人。遂致一敗不振。所謂中興者安在。岳飛退喜之言。蓋出于史家過譽不足信也。

遇我遂降。飛表授佐武義大夫。單騎按其部。拊佐背曰。子知逆順者。果能立功。封侯豈足道。欲復遣子歸湖中。視其可乘者。擒之。可勸者。招之。如何。佐感泣。誓以死報。時張浚至潭州。席益疑飛玩寇。欲以聞。浚曰。岳侯忠孝人也。兵有深機。胡可易言。益慙而止。黃佐襲周倫砦。殺之。飛上其功。遷武功大夫。會朝旨召張浚還防秋。飛袖小圖示浚。浚欲俟來年議之。飛曰。已有定畫。都督能少留八日。可破賊。浚曰。何言之易。飛曰。王四廂謂王以王師攻水寇則難。飛以水寇攻水寇則易。水戰我短彼長。以所短攻所長。是以難。若因敵將。用敵兵。奪其手足之助。離其腹心之托。使孤立。而以王師乘之。八日之內。當

俘諸酋。浚許之。飛遂如鼎州。黃佐招楊欽來降。飛喜曰。楊欽驍悍。旣降。敵腹心潰矣。表授欽武義大夫。禮遇甚厚。乃復遣歸湖中。兩日。欽說全琮。劉詵來降。飛詭罵欽曰。賊不盡降。何來也。杖之。復遣去。是夜掩賊營。降其衆數萬。太負固不服。方浮舟湖中。以輪激水。其行如飛。旁置撞竿。官舟迎之。輒碎。飛伐君山木爲巨筏。塞諸港汊。又以腐木亂草。浮上流而下。擇水淺處。遣善罵者挑之。且行且罵。賊怒來追。則草木壅積。舟輪礙不行。飛急擊之。賊奔港中。爲筏所拒。官軍乘筏。張牛革以蔽矢石。舉巨木撞其舟。盡壞。太技窮。赴水死。宋史牛臯傳。么先舉鍾子儀投于水。繼乃自仆。臯投水擒么。飛入賊壘。餘酋驚曰。何神也。俱請降。與此所載不同。

衆凡二十餘萬。飛親行諸砦慰撫之。縱老弱歸田。籍少

壯爲軍。果八日而捷音至潭。浚嘆曰。岳侯神算也。黃誠

斬楊太首。牛臯傳。飛斬么首。函送都督行府。與此所載亦異。挾鍾子儀詣浚降。

湖湘悉平。初。太恃其險。官軍自陸襲。則入湖水攻之。則登岸。因曰。欲犯我者。除是飛來。至是。人以其

言爲識云。

冬十月。張浚還自潭州。

浚奏遣岳飛屯荆襄以圖中原。乃自鄂岳轉淮東。已而

帝賜詔召還。浚進中興備覽四十一篇。帝嘉嘆。置之坐

隅。

冬十一月。徵和靖處士尹焞于涪州。

初。金人破洛。焞闔門被害。焞死。復甦。門人昇至山谷中。

而免劉豫聘之不從以兵恐之焯自商州奔蜀至闕得程頤易傳拜受之因止于涪闢三畏齋以居州人不識其面至是范冲舉以自代明年焯至建康以疾辭詔趨召入見命爲秘書郎兼崇政殿說書

以李綱爲江西安撫制置大使

張浚薦其忠也

金伐蒙古

蒙古在女真之北唐爲蒙兀部亦號蒙骨斯其人勁悍

善戰夜中能視以鮫魚皮爲甲可捍流矢此續綱目所載皆本大金

國志志又云金之初起常假兵于蒙古及得國不償元約由是蒙古遂有怨言舊作萌骨今改金主命

萬戶呼沙呼舊作胡沙虎今改按呼沙呼金國志作宋王宗磐考金史呼沙呼大定八年始充東

蒙古地廣族繁部落不一我朝中外一統四十九旗咸備蕃衛而其外喀爾喀四盟長部分壤錯疆域犁然其在前朝則固各爲一國也宋人記載大約得諸

傳聞直譯既不免沿訛且以醜字為詆訾于是萌骨滕骨盲骨蒙兀蒙骨斯諸名錯見載籍音清字舛實可副笑字文懋昭乃謂金初伐之蒙古與元之蒙古為二國相去幾千里不知今蒙古諸境延袤且萬里而遙金初伐之蒙古史亦言居金之北與元之始居陰山總屬朔漠部族或殊其實皆蒙古耳因證以今時輿圖所司其猥雜之名以正譌而衷于是

世忠淮陽之圍劉豫勢已窮蹙及舉六烽而救至張俊近在咫尺即賞為犄角

官護衛則此伐蒙古者又別一呼沙呼也將兵擊之久之呼沙呼糧盡而還于海嶺事在紹興九年還

丙辰六年

金天會十四年

春二月韓世忠圍淮陽金烏珠救之世忠

世忠聞劉豫聚兵淮陽即引軍渡淮旁

去聲

符離

漢縣元省

入宿州今州屬鳳陽府

而北至其城下為賊所圍奮戈潰圍而出

不遺一鏃呼延通與金將葉赫貝勒

舊作牙合字革今改後仿此搏

戰扼其吭而擒之乘銳掩擊金人敗去遂進兵圍淮陽

賊約受圍一日則舉一烽至六烽具舉烏珠與劉猗皆

引兵至世忠求援于張俊俊以世忠有見吞意不從世

忠勒陣向敵遣人諭之曰錦衣驄馬立陣前者韓相公

之援共圖收復乃慮世忠
見吞膜視不顧以私嫌而
廢公義乃心王室者顧當
如是邪張浚尚謂其可倚
大事與世忠並稱不能知
人而輕于許可無怪其動
輒傾事也

御批歷代通鑑輯覽
卷之五十五

也。或危之。世忠曰。不如是。不足以致敵。敵果至。殺其導
戰二人。遂引去。世忠復還楚州。淮陽之民。從而歸者以
萬計。

張浚會諸將于鎮江。遣張俊屯盱眙。韓世忠屯楚州。

張浚每稱二人可倚。大事故並命之。世忠至楚。披草萊。
立軍府。與士卒同力役。夫人梁氏親織箔為屋。將士有
怯戰者。世忠遺以巾幘。設樂大宴。俾婦人粧以聶之。故
人人奮厲。撫集流散。通商惠工。山陽遂為重鎮。

夏六月。張浚撫師淮上。

浚命劉光世屯合肥。以招北軍。楊沂中領精騎以佐張
俊。岳飛屯襄陽。以圖中原。且謂飛曰。此君素志也。

先是飛以

母喪。扶櫬還廬山。起復為京湖宣撫使。飛累表求終制。不許。

地震求直言。

秋七月。以郭浩為永興路經畧安撫使。知金州。

金州殘弊。浩撫輯流亡。開營田。他軍以匱急仰給朝廷。

浩獨積贏錢十餘萬緡。以給戶部。朝廷嘉之。

以陳公輔為左司諫。

公輔召還。為吏部員外郎。

上言。今日之禍。實由公卿大夫。無氣節忠義。不能維持天

下國家。平時既無忠言直道。緩急詎肯仗節死義。豈非王安石學術壞之耶。安石政事壞人才。學術壞人心。三經字說。詆誣聖人。破碎大道。非一端也。春秋正名分。定褒貶。俾亂臣賊子懼。安石使學者不治春秋。史漢載成敗安危。存亡理亂。為世龜鑑。安石使學者不讀史漢。楊雄不死。王莽之篡。而著刺秦美新之文。安石乃曰。合于孔子。無可無不可之義。馮道事四姓八君。安石乃曰。善避難。以存身。使公卿皆師安石之言。宜其無氣節忠義。

也。疏入。授左司諫。賜三品服。已而公輔復請禁程氏學。帝大喜。詔從之。公輔疏言。今世取程頤之說。謂之伊川之學。相率從之。狂言怪語。深辭鄙說。曰。此伊川之文也。幅巾大袖。高視濶步。曰。此伊川之行也。爲伊川之文。行伊川之行。則爲賢士大夫。舍此皆非也。乞禁止之。時方召尹焞。焞。頤門人也。公輔之意。蓋有所指云。

劉光世復壽春。

八月。四川都轉運使趙開罷。

吳玠爲宣撫副使。專治戰守。于財計不問盈虛。一切以軍期趣辦。于趙開數以饋餉不繼訴于朝。開亦自劾老憊求去。朝廷爲之交解。乃以席益爲制置大使。位宣撫副使。上州軍兵馬。並隸大使司。邊防重事。仍令宣撫司處置。益至四川。頗侵用軍期錢。開復訴于朝。又數增錢。

引而軍計猶不給。朝廷以開益不協。乃召開赴行在。而

以李迨

東平人。徙開封。

代之。

自金人侵陝蜀。開職饋餉。軍用無乏。其後計臣屢易。于開經畫。無敢

變更。然茶鹽權酷。奇零絹布之征。遂為蜀常賦。開作俑之責。不能逃焉。益尋以母喪亦去。

以秦檜為行營留守。孟庾副之。並參決尚書省樞密院事。

張浚奏。東南形勢。莫重于建康。實為中興根本。且使人主居此。北望中原。常懷憤惕。不敢暇逸。而臨安僻在一隅。內則易生安肆。外則不足以號召遠近。繫中原之心。請臨建康。撫三軍。以圖恢復。會諜報劉豫將南寇。趙鼎議幸平江。帝從之。遂命檜庾留守。並參決尚書省樞密院事。檜自被斥。會與金議和。稍復其官。知温州紹興府。又以張浚薦。授醴泉觀使兼侍讀。至是漸用事。

岳飛傳
卷之六

岳飛復蔡州

飛累戰皆捷。遣牛皐復鎮汝軍。楊再興復河南長水縣。

注見前。張浚曰。飛措畫甚大。今已至伊洛。則太行一帶山

砦。必有響應者。已而忠義社梁興等果歸之。飛復及偽
齊李成。孔彥舟連戰。至蔡州。克其城。

九月。帝如平江。

岳飛遣兵敗劉豫之衆于唐州。上疏請進軍恢復中原。帝
不許。飛乃還鄂。

飛遣王貴。郝叢。董先。復虢州。盧氏縣。獲糧十五萬石。降
其衆數萬。會劉豫屯兵唐州。飛遣貴等攻破之。焚其營。
飛因奏進取中原。不許。于是召貴等引還鄂州。

冬十月。劉豫使劉麟。劉猗。分道寇淮西。楊沂中等大敗猗于藕塘。鎮名。在鳳陽府定遠縣東。追麟至南壽春。今鳳陽府壽州。本秦五代周顯德中。徙州治下蔡。因以故治為南壽春。至宋乾道中。復還故治。置安豐軍。元為路。明仍改壽州。以縣省入。而還。

劉豫聞張浚會諸將于江上。榜其罪逆。將進兵討之。告

急于金。請先出師南侵。而乞師救援。金主召諸將相議

之以博勒郭言。

博勒郭曰。先帝所以立豫者。欲其開疆保境。我得安民息兵也。今豫進不能取。

又不能守。兵連禍結。愈無休期。從其請。則豫收其利。敗則我受其弊。况前年因豫出師。嘗不利于江上矣。奈何。許。遂不許豫。而遣烏珠提兵黎陽以觀釁。于是豫僉卿

兵三十萬。分三道入寇。麟率中路兵。由壽春以犯合肥。

猗率東路兵。由紫荆山

在壽州東北。

出渦口。

注見前。

以犯定遠。

蕭梁縣。今屬鳳陽府。

孔彥舟率西路兵。由光州以犯六安。時張浚

楊沂中。韓世忠。岳飛。劉光世。分屯諸州。而沿江上下無

兵。趙鼎深以為憂。移書張浚。欲令俊與沂中同保合肥。

浚以為然。乃遣沂中。張宗顏

字希賢。延安人。

等分道禦之。且令

沂中趣濠州。

注見前。

以與張俊合。因謂沂中曰。上待統制

厚。宜及時立功。會邊報日急。張俊。劉光世。皆張大賊勢

以聞。浚以書戒二將曰。賊豫之兵。以逆犯順。若不剷除。

何以立國。平日亦安用養兵為哉。今日之事。有進戰。無

退保。及劉麟進逼合肥。趙鼎曰。今賊渡淮。當急遣張俊

合光世之軍。盡掃淮南之寇。然後議去留。帝善之。

帝猶慮俊

光世不足任。因命岳飛盡以兵東下。而手札付浚。令俊
光世。沂中等還保江。浚上言。若諸將渡江。則無淮南。而

長江之險與賊共有江南其可保乎。今正當合兵衝擊。可保必勝。若一有退意。則大事去矣。且岳飛一動。襄漢有警。何所恃乎。願朝廷勿專制于中。使諸將有所觀望也。帝手書報浚曰。非卿識高慮遠。何以及此。由是異議乃泯。沂中至濠。光世已舍廬州。將趨采石。淮西大震。浚聞之。令呂祉字安老。建陽人。馳往光世軍。諭之曰。有一人渡江。卽斬以徇。光世不得已。復還廬州。與沂中。俊等相應。劉猷軍至淮東。爲韓世忠所阻。乃引趨定遠。劉麟從淮西繫三浮橋而渡。次于濠壽之間。張俊以兵拒之。猷率衆犯定遠。欲趨宣化。以寇建康。沂中以兵進禦。與猷前鋒遇于越家坊。在定遠縣東南。敗之。猷恐孤軍深入。爲王師所襲。乃欲趨合肥。與麟合而後進。至藕塘。沂中復遇之。猷據山列陣。矢下如雨。沂中急擊之。使統制吳錫率勁兵五十。

突入其軍。猊衆潰亂。沂中縱大軍乘之。而自以精騎衝

其脇。大呼曰。賊破矣。賊衆錯愕駭視。張宗顏自泗來。乘

背擊之。張俊大軍復與戰于李家灣。在鳳陽縣南。賊衆大敗。

橫屍遍野。猊以首抵謀主李愕曰。適見髯將軍。銳不可

當。果楊殿前也。卽與數騎遁去。沂中躍馬叱之。餘衆皆

怖。遂降。麟在順昌。聞猊敗。亦拔砦去。沂中及王德乘勢

追麟。至南壽春而還。孔彥舟亦解光州圍而去。北方大

恐。金人聞豫敗。來詰其狀。始有廢豫之意。已而韓世忠復敗金人于

淮陽。

西遼耶律達什死。

達什死。子伊呼。舊作夷。今改。幼。遺命其子蕭氏。權國稱制。號

感天皇后。

十二月。張浚還自鎮江。趙鼎罷。

史稱帝謂浚鼎不和。必由呂社若譽高宗有先見者。然夫三人者皆其臣也。黜陟誰則司之。而爲此局外之論。亦大可鄙矣。浚遂因社離間生嫌。固不免意存袒護。及其請攻河南。請罷劉光世。鼎皆不以爲然。實亦有心立異。夫光世罪狀昭著。不可云無故而罷。且謂得河南而恐金人內侵。豈株守臨安。轉能保金之不侵乎。二人尚具忠愛之忱者。而各有所蔽。宜其迄無成事也。

初。張浚在江上。遣參議軍事呂社入奏事。所言誇大。鼎每抑之。帝謂鼎曰。他日浚與卿不和。必呂社也。旣而浚因論事。語意微侵鼎。鼎言臣初與浚如兄弟。因呂社離間。遂爾睽異。今浚成功。當使展盡底蘊。浚當留。臣當去。帝曰。俟浚還。議之。及浚還。鼎與折彥質請帝回蹕臨安。浚乞乘勝攻河南。而車駕幸建康。又言劉光世驕情不戰。請罷其軍政。鼎言得河南固易耳。能保金人不內侵乎。且光世累世爲將。將卒多出其門。無故而罷之。恐人心不安。浚滋不悅。而帝多從浚議。鼎求退益力。遂罷知

紹興府

鼎與浚為相。政事先後。及人才所當召用者。條而置之座右。次第奏行之。故列要津者。多一時

之望。人號為小元祐。帝嘗親書忠正德文四字。及尚書一帙。賜之。曰。書載君臣相戒飭之言。所以賜卿。欲共由

斯道。鼎頓首謝。

丁巳七年

金天會十五年

春正月。以陳與義

字去非。洛陽人。

參知政事。沈與

求同知樞密院事。

先是。張浚欲復出視師。不告同列。既得旨。與求退曰。此

大事。而吾不與聞。何以居位。遂乞祠。至是。除同知樞密

院事。

與求被遇。知無不言。帝以其淹練通達。克已聽納。未幾卒。

以張浚兼知樞密院事。

自元豐改官制。樞密院不置使。至是。復置。以浚兼之。

何薜還自金。始聞上皇及太后之喪。帝成服。

何薜還。始知道君皇帝及寧德皇后鄭氏相繼崩。帝成服。百官七上表請遵以日易月之制。知嚴州胡寅上疏請服喪三年。衣赭臨戎。以化天下。帝欲遂終喪。張浚言。天子之孝。不與士庶同。必思所以奉宗廟社稷。今梓宮未還。天下塗炭。願陛下揮淚而起。歛髮而趨。一怒以安天下之民。帝乃命浚草詔。告諭羣臣。外朝勉從所請。宮中仍行三年之喪。上太上皇廟號曰徽宗。太后尊諡曰顯肅。浚又請命諸大將。率三軍發哀成服。俾中外感動。退而上疏曰。陛下思慕兩宮。憂勞百姓。臣每感慨。誓殲敵讐。念昔陝蜀之行。陛下命臣曰。我有大隙于北。制此至恥。惟爾是屬。而臣終隙成功。使敵無憚。今日之禍。端自臣致。乞賜罷黜。帝詔浚起視事。浚再疏待罪。不許。時帝遇朔望。猶率羣臣。遙拜淵聖。中丞廖剛言。禮有隆殺。兄爲君。則君之。已爲君。則兄之可也。但歲時行家人禮于內庭。從之。廖剛字用中。南劍州順昌人。

金初用大明歷。

司天楊紱所造也。

二月癸巳朔日食。

遣王倫如金。

詔以倫爲奉迎梓宮使。陛辭。帝命謂達賚曰。河南之地。上國旣不有。與其付劉豫。曷若見歸。

三月帝如建康。

遙尊宣和皇后韋氏爲皇太后。

帝嘗謂輔臣曰。宣和皇后春秋高。朕朝夕思之。不遑寧處。猶已講和。正爲此爾。至是。從翰林學士朱震之請。遙尊爲皇太后。

劉光世免。張浚命呂祉節制其軍。

光世在淮西。素無紀律。張浚言其沈酣酒色。不恤國事。語以恢復。意氣怫然。乞賜罷黜。會光世引疾。請解兵柄。乃拜少師。萬壽觀使。奉朝請。以其兵隸都督府。浚因分爲六軍。命呂祉往節制之。張守曰。必欲收圖。須得聞望素高。能服諸將之心者。乃可。祉不可用也。浚不從。

夏四月。岳飛乞終喪。遂還廬山。張浚以張宗元監其軍。飛自鄂入見。拜太尉。繼除宣撫使。以王德。酈瓊。兵隸之。帝謂德。瓊曰。聽飛號令。如朕親行。飛見帝。數論恢復之畧。疏言。金人所以立劉豫。蓋欲荼毒中原。以中國攻中國。彼得以休息觀釁耳。臣願陛下假臣月日。提兵趨京。

岳飛威望素著果以王德
鄰環隸之必不致變而秦
檜以和議沮其行所失更
不止于控御無人之患至
張浚論將昧于知人而踈
于料事飛一一辨駁之語
雖齟齬而議皆切當且于
淮西之覺德度不爽其明
識豈浚所及乃浚竟以飛
意不能相容而聽其

洛據河陽陝府潼關以號召五路叛將叛將既還遣王
師前進豫必棄汴而走河北京畿陝右可以盡復然後
分兵濬滑經畧兩河如此則逆豫成擒金人可滅社稷
長久之計實在此舉帝曰有臣如此朕復何憂復召至
寢閣命之曰中興之事一以委卿飛方圖大舉會秦檜
主和議忌之遂不以德瓊兵隸飛而請詔飛詣張浚議
事浚謂飛曰王德淮西軍所服浚欲以爲都統而命呂
祉以督府參謀領之如何飛曰德與酈瓊素不相下一
旦握之在上則必爭呂尙書不習軍旅恐不足服衆浚
曰張俊楊沂中如何飛曰張宣撫飛之舊帥也其人暴
而寡謀沂中視德等耳亦豈能御此軍哉浚艷然目固

去既貽家國有疆臣叛逆之患復致大將蒙徑情舍去之嫌浚實無所辭咎追璣難既作而始悟飛言悔亦晚矣

知非太尉不可。飛曰：都督以正問飛，飛不敢不盡其愚。豈以得軍爲念哉？飛既與浚忤，卽日上章乞終喪服。以張憲攝軍事，步歸廬山廬母墓側。浚怒，遂以張宗元權

守撫判官監其軍。

五月，召胡安國提舉萬壽觀兼侍讀，未至而罷。

張浚薦安國，帝召之將行，聞陳公輔乞禁程頤之學，乃

上疏論之。

畧曰：孔孟之道，不傳久矣。自頤兄弟始發明之，然後知其可學而至。今使學者師孔孟而

禁從頤學，是入室而不由戶也。夫頤于易，因理以明象，而知體用之一原。于春秋，見于行事，而知聖人之大用。諸經語孟皆發其微旨，而知其入德之方。則狂言怪語，豈其文哉？孝弟顯于家，忠誠動于鄉，非其道義，一介不以取予。則高視濶步，豈其行哉？自嘉祐以來，頤與兄顥及邵雍、張載皆以道德行世，著書立言，公卿大夫所欽慕而師尊之。及王安石、蔡京等，曲加排抑，故其道不行。望下禮官討論故事，加之封爵，載在祀典，仍詔館閣哀

其遺書羽翼六經使邪說者不得作而道術定矣

公輔與中丞周秘侍御史石

公揆交章論安國學術頗僻除知永州安國辭遂復與

祠

六月岳飛奉詔入朝遂遣還鎮

累詔趣飛還職飛不得已趨朝待罪帝慰遣之

既而張宗元還

言將和士悅人懷忠孝皆飛訓養所致帝大悅飛至鎮奏言此者寢閣之命咸謂聖斷已堅何至今尚未決臣願提兵進討順天道因人心以曲直為老壯以逆順為疆弱萬全之效可必錢塘僻在海隅非用武地願建都上游用漢光武故事親率六軍往來督戰庶幾將士知聖意所向人人用命

金誅其尙書左丞相高慶裔秋七月尼瑪哈以憂死

初金主召尼瑪哈為相以鄂爾多代守雲中尼瑪哈遂失兵柄至是博勒郭欲挫尼瑪哈因其所善高慶裔以

賊敗下獄。尼瑪哈乞免官爲庶人。以贖其罪。金主不許。慶裔臨刑。尼瑪哈哭與之別。慶裔曰。公早聽我言。豈有今日。蓋慶裔嘗教之反也。凡尼瑪哈之黨。連坐者甚衆。尼瑪哈恚悶。絕食縱飲而死。

八月。召淮西副統制酈瓊赴行在。瓊以衆叛降劉豫。執呂祉殺之。

時以王德爲淮西都統制。酈瓊副之。瓊與德素等夷不相下。及呂祉還朝。德瓊列狀交訴于都督府及御史臺。乃召德還建康。而命楊沂中爲淮西制置使。劉錡副之。往屯廬州。祉復至廬州。瓊又訟德。祉諭之曰。張丞相但喜人向前。倘能立功。雖大過亦濶畧。况小嫌邪。當爲諸

公辯之。保無他虞。瓊等感泣。事小定。社乃密奏乞罷瓊兵權。書吏漏語于瓊。瓊令人遮社所遣郵置。盡得社所言。大怨怒。會聞朝廷命楊沂中等爲大帥。而召已赴行在。大懼。遂謀叛。諸將晨謁社。瓊袖出文書。示中軍統制張璟曰。諸兵官有何罪。張統制乃以如許事聞之朝廷。邪。社大驚。欲走不及。爲瓊所執。璟及兵馬鈐轄喬仲福。統制劉永衡皆死。瓊遂帥全軍四萬人。渡淮降劉豫。擁社北去。距淮三十里。社下馬立。謂瓊曰。劉豫逆賊。我豈可見之。衆逼社上馬。社罵曰。死則死于此。又諭其衆曰。劉豫逆臣。爾軍中豈無英雄。乃隨麗瓊去乎。衆頗感動。凡千餘人環立不行。瓊恐搖動衆心。急策馬先渡。社遂遇害。時有得社括髮之帛歸吳中者。

社妻吳氏持帛自縊。于是張浚始悔不用岳飛言。飛乞以殉葬。聞者哀之。進討瓊。不許。詔駐師江州。爲淮浙援。

九月。張浚免。罷都督府。

浚總中外之政。幾事叢委。以一身任之。每奏對。必言讐恥之大。帝未嘗不改容涕洟。事無巨細。必以咨浚。賜諸將詔。往往命浚草之。及酈瓊叛。呂祉死。浚因引咎。力求去。帝問誰可代者。且曰。秦檜何如。浚曰。近與共事。方知其闇。帝曰。然則用趙鼎爾。浚曰。得之矣。檜由是憾浚。浚遂奉祠。而都督府亦罷。

以趙鼎爲尚書左僕射。同平章事。兼樞密使。冬十月。安置張浚于永州。

浚既去位。言者論之不已。至引漢武誅王恢爲比。欲遠
竄之。會趙鼎乞降詔安撫淮西。帝曰。俟行遣張浚。朕當
下罪已之詔。鼎曰。浚母老。且有勤王功。帝曰。功過自不
相掩。已而內批出浚謫嶺南。鼎留不下。詰旦。約同列救
解。帝怒未釋。鼎力懇曰。浚罪不過失策爾。凡人計慮。豈
不欲萬全。倘因一失。便寘之死地。後有奇謀秘計。誰復
敢言者。此事自關朝廷。非獨私浚也。張守亦以爲言。帝
意解。遂以秘書少監分司西京。永州居住。李綱聞之。馳
奏曰。浚措置
失當。誠爲有罪。然其區區殉國之心。
有可矜者。願少寬假。以責來效。不報。

閏月。張俊棄盱眙還建康。

十一月。金人襲汴。執劉豫。廢爲蜀王。立行臺尚書省于汴。

韓世忠岳飛請收復中原不報。

初。豫由尼瑪哈高慶裔得立。故奉二人特厚。烏珠及諸將多憾之。豫兵敗藕塘。金人欲廢豫。及尼瑪哈死。岳飛因遣間齎蠟書。與豫約同誅烏珠。烏珠得書。大驚。馳白金主。于是廢豫之意益決。會豫請立麟爲太子。金主曰。徐當咨訪河南百姓。豫雖意沮。而猶日遣使乞師南侵。至是。尚書省奏豫治國無狀。金主遂令達賚烏珠。僞稱南侵以襲之。將至汴。遣人召劉麟渡河議事。麟至。烏珠麾騎翼而擒之。遂馳入汴。豫方射講武殿。烏珠從三騎突入東華門下馬。逼豫出見。因執其手。偕至宣德門。彊乘以羸馬。露刃夾之。囚于金明池。翌日。集百官宣詔廢。

之。其詔有曰。建爾一邦。逮茲八稔。尚勤兵戍。安用國爲。乃以鐵騎數千圍宮門。遣小校巡問巷間。宣言曰。自今不僉汝爲軍。不取汝免行錢。請汝舊主少帝來。由此人心稍安。置行臺尚書省于汴。以張孝純權行臺左丞相。呼沙呼爲汴京留守。李儔副之。諸軍悉令歸農。聽官人出嫁。得金一百二十餘萬兩。銀一千六百餘萬兩。米九十餘萬石。絹二百七十萬匹。錢九千八百七十餘萬緡。豫求哀于二帥。達賚謂之曰。昔趙氏少帝出京。百姓燃頂煉臂號泣。今汝廢無一人憐者。汝何不自責也。豫語塞。十二月。與家屬徙臨潢。岳飛奏乘廢豫之際。擣其不備。長驅以取中原。韓世忠亦上疏言。機不可失。請全師北討。皆不報。十二月。王倫還自金。復遣之。

倫將還。達賚送之曰。好報江南。自今道塗無壅。和議可成。倫至。言金人許還梓宮及太后。且許歸河南地。帝喜。

日。若金人能從朕所求。其餘一切。非所較也。逾五日。復遣倫奉迎梓宮于金。

金以烏延爲尚書左丞。同平章事。

烏延好學問。平汴京還。惟載書數車。既掌修國史。

事在天會

六年。採摭遺言舊事。自始祖以下十帝。綜爲三卷。凡與契

丹往來。及征伐諸部。密謀秘計。悉載無隱。詳畧得體。書

成。賞賚有差。

是月。金主詔改明年爲天眷元年。大赦。

御批歷代通鑑輯覽卷之八十六

宋

高宗皇帝

戊紹興八年。金大眷元年。春二月。胡安國進春秋傳。詔加安國

寶文閣直學士。

自王安石廢春秋不列于學官。安國以爲先聖手所筆削之書。天下事物無不備于此。因潛心二十餘年。著春

秋傳以成其志。至是上之。帝謂深得聖人之旨。詔進一

官。命未下而卒。

安國疆學力行。以聖人爲標的。志于康濟斯民。見中原淪沒。遺黎塗炭。常若痛

切其身。雖數以罪去。愛君憂國。遠而彌篤。風度凝遠。視

天下萬物。無一足嬰其心。謝良佐嘗語人口。胡康侯如

大冬嚴雪。百草萎死。而松栢

挺然獨秀。及卒。賜諡文定。

帝定都臨安。

先是車駕將幸平江。李綱以爲平江去建康不遠。徒有退避之名。不宜輕動。因具奏言之。旣而議還臨安。張守言建康自六朝爲帝王都。氣象雄偉。且據都會以經理中原。依險阻以捍禦彊敵。陛下席未及煖。今又巡幸。百司六軍有勤動之苦。民力邦用有煩費之憂。願少安于此。以繫中原民心。趙鼎不可。守遂求去。出知婺州。至是還臨安。始定都矣。一日丙侍移竹栽入內。趙鼎見之。責曰。良歡花石之擾。皆出汝曹。今欲蹈前轍邪。因奏其事。帝吹容謝之。又有戶部官進錢入宮者。鼎召至。相府切責之。翼日問帝曰。其人獻錢邪。帝曰。朕求之也。鼎曰。其人不當獻。陛下不當求。遂黜其人于遠郡。

三月。復以秦檜爲尚書右僕射。同平章事。兼樞密使。

初張俊嘗與趙鼎論人才俊極稱檜善鼎曰此人得志吾輩無所措足矣及鼎再相檜在樞密一惟鼎言是從鼎由是深信之言檜可大任于帝而不知爲檜所賣也檜旣相制下朝士相賀獨吏部侍郎晏敦復字景初有殊曾孫有憂色曰姦人相矣聞者皆以其言爲過

夏四月詔王庶視師江淮

庶素有威望臨發勞師于都教場便服坐壇上自大將以下悉戎服步由轅門趨庭受命而出莫敢仰視至淮上遂移張俊下張宗顏軍淮西巨師古屯太平州分韓世忠二軍屯天長泗州緩急爲聲援以劉錡軍駐鎮江以固根本

五月王倫偕金使來。

倫至會寧見金主。首謝廢劉豫。次致使指。會達賚自河

南還。言于金主。請以廢齊舊地與宋。金主命羣臣議。幹

布力言不可。東京留守額爾袞

太祖子。後改名宗雋。按額爾袞舊作訛魯觀。今

改。後

仿此。曰。我以地與宋。宋必德我。敖拉

金宗室薩拉噶子。後改名宗憲。按敖

拉。舊作阿懶。今改。後仿此。

折之曰。我俘宋人父兄。怨非一日。若復資

以土地。是助讐也。何德之有。勿與便。博勒郭位在幹布

上。達賚額爾袞附之。由是博勒郭執議。以河南陝西地

與宋。遂遣倫及太原少尹烏凌噶思謀。太常少卿石慶

充來議事。將至。帝命吏部侍郎魏珪館伴之。珪備論敵

情不可信。秦檜曰。公以智料敵。檜以誠待敵。珪曰。第恐

敵不以誠待相公耳。檜乃改命吳表臣。字正仲。永嘉人。思謀等

至臨安。入見。帝謂輔臣曰。先帝梓宮。果有還期。雖待二

三年。尚庶幾。惟是太后春秋高。朕旦夕思念。欲早相見。

此所以不憚屈己。冀和議之速成也。朝臣多言其不可。

帝怒。趙鼎曰。陛下下于金人。有不共戴天之讐。今屈己講

和。不憚爲之者。以梓宮及母后耳。羣臣憤懣之辭。出于

愛君。不可以爲罪。陛下宜諭之曰。講和。非吾意。以親故

不得已爲之。但得母后及梓宮還。敵雖渝盟。吾無憾。帝

從其言。衆議遂息。

金以經義詞賦兩科取士。

六月。賜衍聖公孔玠衢州田。

凡五頃以奉先聖祠事時玠僑于衢也

建炎初孔子四十八代孫端友

與其子玠從駕南渡居于衢州至是賜田建廟規制視曲阜終宋之世皆襲封爵

秋七月彗星見

王倫復如金

秦檜復遣倫如金定和議及申問諱日左正言辛次膺

字起季以國恥未雪義難講好凡七上疏力諫不報乃萊州人

以母疾求補外詔從之

八月金始頒行官制

初金太祖用漢官賞左企弓等因置中書省樞密院于

廣寧

本遼顯州金置廣寧府今為縣屬盛京錦州府

而其國用事者未改女

真官號舍音幹布當國勸用漢官制度畧倣中國之制

立省寺府司。太宗嘗下詔改定而未畢。至是。置三師三公。三省。六曹。臺院。寺監等官。宇文虛中爲之參定其制。金以會寧爲上京。臨潢府爲北京。

會寧。金之舊土。初稱爲內地。至是。升爲上京會寧府。改遼上京臨潢府爲北京。而東京遼陽。西京大同。南京大興。中京大定府。則仍舊云。

冬十月。罷參知政事劉大中。

大中與趙鼎不主和議。秦檜忌之。薦蕭振字德起。溫州平陽人。爲

侍御史。振入臺。卽劾大中罷之。鼎曰。振意不在大中也。振亦謂人曰。趙丞相不待論。當自爲去就矣。

鄜延故將李世輔誘執金薩里干來歸。金人追及之。乃奔

李世輔當延安之陷不但
身受金朝官爵且爲劉豫

夏。

世輔。綏德青澗人。自唐以來。世襲蘇尾九族。党項別部。都巡

檢使。世輔年十七。隨父永奇。出入行陣。金人侵鄜延。經畧王庶募間者。

世輔往應募。有敵人夜宿陶穴。世輔縋陶穴中。得十七人。皆殺之。取首二級。馬二匹。餘馬悉折其足。庶大奇之。

由是知名。補充隊將。遷副將。金人破延安。授永奇父子官。永

奇聚泣曰。我宋臣也。世襲國恩。乃為彼用邪。會劉豫令

世輔帥馬軍赴東京。永奇密戒之曰。汝若得乘機。即歸

本朝。無以我故貳其志。事成。我亦不朽矣。世輔至東京。

劉麟喜之。授南路鈐轄。乃密遣其客雷燦。以蠟書赴行

在。及豫廢。烏珠以萬騎馳獵淮上。與世輔獨立馬圍場

間。世輔戒吳俊往探淮水可渡馬處。欲執烏珠歸朝。俊

使赴東京。竟甘為其子鈴轄于宋之臣節。已大虧矣。及誘執金將事。不諧而全家遇害。遂乃竄身西夏。立效乞兵。並許取陝西五路。以歸于夏。意在報復私仇。幾欲舉宋之故地為夏人。增拓土疆。所謂心乎宋室者。安在使當時金不以鄜延與宋世輔必藉夏人兵力。鴟張其能不為夏臣耶。這自絕于夏。不得已復歸宋朝。跡其所為。不過一進退失據之人。殊無足取。宋以其後稍立戰功于此。事亦過為褒予。豈定論哉。

還。世輔馳問之。爲竹刺傷馬而止。烏珠授世輔知同州。
世輔至鄜省父。永奇教世輔曰。同州入南山。乃金人往
來驛路。汝可于此擒其酋。渡洛渭。由虢歸朝。第報知我。
我當以兵取延安而歸。世輔赴同州。卽遣黃士成等持
書由蜀至吳。報歸朝事。金薩里干來同州。世輔以計執
之。馳出城。至洛河。舟船後期。不得渡。與追騎屢戰皆捷。
世輔憩高原。望追騎益多。薩里干搏頰求哀。世輔乃與
折箭爲誓。不得殺同州人。及害我骨肉。薩里干許之。遂
推之下山崖。追兵爭救得免。世輔攜老幼長驅而北。至
鄜城縣。本後魏敷城。隋改名。元省。故城在今鄜州洛川縣。急遣人告永奇。永奇
卽挈家出城。至馬翅谷。在鄜州南。亦名馬尾崖。爲金人所及。家屬

三百口皆遇害。世輔僅以二十六人奔夏。

趙鼎罷。

初。中書舍人潘良貴。

字子賤。婺州金華人。

以戶部侍郎向子諲奏

事久。叱之退。帝欲抵良貴罪。中丞常同

字子政。臨邛人。

爲之辨。

帝欲併逐同。鼎奏子諲雖無罪。而同與良貴不宜逐。帝

不從。命下。給事中張致遠。

字子猷。南劍州沙縣人。

謂不應以一子

諲。出二佳士。不書黃。帝怒。顧鼎曰。固知致遠必繳駁。鼎

問何也。帝曰。與諸人善。蓋已有先入之言。由是不樂鼎。

秦檜繼留身奏事。及出。鼎問帝何言。檜曰。上無他。恐丞

相不樂耳。會殿中侍御史張戒論給事中勾濤。

勾氏。勾氏之

後。濤字景山。濤言。戒擊臣。乃趙鼎意。因詆鼎結臺諫。及

廷以公事或當詳悉敷陳
自非數言可了即爲時稍
入于理何傷豈舍人所宜
叱退是子諲未乖對命之
體而良貴實愆侍朝之儀
高宗欲抵其罪亦不爲過
乃論救不已寢成攻訐趙
鼎且因之引退總由黨同
伐異之見則結而不可解
而當時綱紀之不飭亦概
可見矣

諸將帝聞益疑鼎乃引疾求罷且言劉大中持正論爲章惇蔡京之黨所嫉臣議論出處與大中同大中去臣何可留乃出知紹興府入辭言于帝曰臣去後必有以孝悌之說脇制陛下者將行檜率執政餞之鼎不爲禮一揖而去檜益憾之鼎自再相無所施爲或以爲言鼎曰今日之事如人患羸當靜以養之若復攻砭必損元氣矣後王庶入對帝曰趙鼎兩爲相于國有大功再贊親征皆能決勝又鎮撫建康回鑾無虞他人所不及

以勾龍如淵

勾龍爲土正其後以名爲氏如淵字行父永康軍道江人爲御史中丞

先是宰執入見秦檜獨留身言臣僚畏首尾多持兩端此不足以論大事若陛下決欲講和乞專與臣議勿許羣臣預帝曰朕獨委卿檜曰臣恐不便望陛下更思三

檜揣知高宗決意欲和先
難其說以堅主志及見其
不更游移始出文字贊成
和議遂不復慮衆論動搖
而如淵輩無耻之徒復黨
惡以排異議于是無所顧
忌得逞其伎倆檜之設心
深險誠不可測然非高宗
行苟安之見亦安能徑行
其意哉

日。檜復留身奏事。帝意欲和甚堅。檜猶以爲未也。復進
前說。又三日。檜復留身奏事如初。知帝意不移。乃始出
文字。乞決和議。然猶以羣臣爲患。中書舍人勾龍如淵
爲檜謀曰。相公爲天下大計。而邪說橫起。盍不擇人爲
臺諫。使盡擊去。則事定矣。檜大喜。卽擢如淵爲中丞。劾
異議者。卒成其志。

金以張通古字樂之。易州人。爲江南詔諭使。來言歸河南陝西之
地。

王倫至金。金主以其右司侍郎張通古簽書宣徽院事。
蕭哲爲江南詔諭使。許歸河南陝西地。與倫偕來。通古
至泗州。要所過州。迎以臣禮。知平江府向子諲不肯拜。

且上言和議之非。遂乞致仕。通古至臨安。要帝待以客禮。秦檜未見國書。疑爲封冊。欲帝屈已以受之。帝曰。朕嗣守太祖太宗基業。豈可受金人封冊。於是朝論藉藉。楊沂中解潛韓世良相。率見檜曰。軍民洶洶若之何。退又白之臺諫。中丞勾龍如淵詣都堂與檜議。召倫責之曰。公爲使通兩國好。凡事當於彼中反覆論定。安有同使至而後議者。倫泣曰。倫涉萬死一生。往來虎口者數四。今日中丞乃責倫如此。檜等共解之曰。中丞無他。亦欲激公了此事耳。倫曰。此則不敢不勉。如淵謂檜曰。但取金書納之禁中。則禮不行而事定。給事中樓炤亦舉諒陰三年事以告檜。遂以檜攝冢宰。詣館受書。而倫亦

以計說通古。通古從之。檜至館見通古。受其書。通古欲百官備禮。檜使省吏朝服導從。以書納于禁中。人情始安。通古入見。言先歸河南陝西地。徐議餘事。先是。倫使金從趙鼎受使指。鼎言。問禮數。則答以君臣之分已定。問地界。則答以大河爲界。二事。使者之大指。或不從。則已。倫受命而行。至是。倫還有詔諭江南之名。帝歎息。謂王庶曰。使五日前得此報。趙鼎豈可去邪。初。檜主和議。命韓世忠移屯鎮江。世忠言。金人詭詐。恐以計緩我師。乞留此軍。蔽遮江淮。因力論和議之非。願効死節。率先迎敵。若不勝。從之。未晚。章數上。皆慷慨激切。且請單騎詣闕面奏。帝不許。及張通古來。以詔諭爲名。世忠四上疏。言不可從。願舉兵決戰。兵勢最重處。臣請當之。且言金人欲以劉豫相待。舉國士大夫盡爲陪臣。恐人心離散。士氣凋沮。不報。及通古還。世忠伏兵洪澤鎮。將遂殺之。以壞和議。不克而罷。

十一月罷直學士院曾開。字天游河南人。詔羣臣議和金得失。貶

樞密院編修官胡銓

字邦衡廬陵人。監廣州都鹽倉。

禮部侍郎兼直學士院曾開當草國書辨視體制非是論之不聽遂請罷改兼侍講秦檜以溫言慰之曰主上虛執政以待開曰儒者所爭在義苟爲非義高爵厚祿弗顧也願聞所以事敵之禮檜曰若高麗之于本朝耳開曰主上以盛德登大位公當強兵富國尊主庇民奈何自卑辱至此非開所聞也復引古誼折之檜大怒曰侍郎知故事檜獨不知也開又詣都堂問計果安出檜曰聖意已定尙何言公自取大名而去如檜但欲濟國事耳然猶慮羣言乃詔金國遣使入境欲朕屈已受和

在朝侍從臺諫。其詳思條奏和好得失。于是開與從官

張燾。晏敦復。魏矼。李彌遜。

字似之。吳縣人。

尹焞。梁汝嘉。

字仲謨。處州麗

水。樓炤。蘇符。薛徽言。

字德老。溫州人。

御史方廷實。館職胡瑄。朱

松。張擴。凌景夏。常明。范如圭。

字伯達。建陽人。

馮時中。許忻。

拱州人。

趙雍皆言不可和。胡銓抗疏極言。

畧曰。臣謹按王倫。本一狎邪小人。市井無

賴。頃緣宰臣無識。舉以便金。專務詐誕。欺罔天聽。今者無故誘致金使。以詔諭江南為名。是欲劉豫我也。陛下

奈何以祖宗之天下。為金人之天下。以祖宗之位。為金藩臣之位。異時豺狼無厭之求。安知不加我以無禮。如

劉豫也哉。今倫之議曰。我一屈膝。則梓官可還。太后可復。淵聖可歸。中原可得。嗚呼。自變故以來。主和議者誰

不以此說啗陛下哉。然而卒無一驗。則敵之情偽。已可知矣。而陛下尚不覺悟。竭民膏血而不恤。忘國大讐而

不報。含垢忍恥。舉天下而臣之。甘心焉。可為痛哭流涕長太息矣。臣竊謂不斬王倫。國之存亡。未可知也。雖然

倫不足道也。秦檜以腹心大臣。不能致君如唐虞。而欲導陛下如不晉。孫近傳會檜議。遂得參政。伴食中書。漫

不敢可否。檜曰：可和。近亦曰：可和。檜曰：天子當拜，近亦曰：當拜。參贊大事，徒取充位如此。有如敵騎長驅，尚可折衝禦侮邪？臣竊謂檜近亦可斬也。臣備員樞屬，義不與檜等共戴天。區區之心，願斷三人頭竿之藁街。然後羈留金使，責以無禮。徐與問罪之師，則三軍之士，不戰而氣自倍。不然，臣有赴東海而死，寧能處小朝廷耶？活書上。檜以銓狂妄凶悖，鼓衆劫持，詔除名，編管昭州。仍降詔播中外，給舍臺諫及朝臣多救之。檜迫于公論，翌日改銓監廣州都鹽倉。宜興進士吳師古，銓疏于木，金人募之千金，朝士陳剛中以啟事賀銓之謫，師古坐流袁州。剛中謫知虔州，安遠縣皆死焉。晏敦復謂人曰：頃言檜姦，諸君不以爲然。今方專國，便敢爾。他日何所不至邪？時李綱提舉洞霄宮，在福州，亦上疏言：王倫之歸，與金使偕，乃以詔諭諭江南爲名，不著國號，而曰江南，不云通問，而曰詔諭。此何禮也？臣在遠方，不知曲折，然以愚意料之，金爲此名以遣使，其要求有五：必降詔書，欲陛下屈體降禮，以聽受一也；必有赦文，欲朝廷宣布，頌示郡縣二也；必立約束，欲陛下奉藩稱臣，稟其號令三也；必求我賂，廣其數目，使我自困四也；必求割地，以江南爲界五也。此五

者朝廷從其一。則大事去矣。金人變詐不測。貪憚無厭。縱使聽其詔令。奉藩稱臣。其志猶未已。必繼有號召。或使親迎梓宮。或使單騎入覲。或使移易宰相。或使改革政事。或竭取賦稅。或朘削土宇。從之則無有紀極。一不從。則前功盡廢。反爲兵端。以爲權時之宜。聽其邀求。可無後悔者。非愚則誣也。疏入。不省。安遠蕭梁縣今屬贛州府。

王庶罷。

庶論金不可和。上疏者七。見帝言者六。秦檜方挾金自重。以爲功。絀其說。庶語檜曰。公不思東都抗節存趙時邪。檜大恨。庶因乞免簽書和議文字。且累疏求去。遂罷爲資政大學士。知潭州。

十二月。以李光參知政事。

秦檜既定和議。將揭榜。以吏部尙書李光有人望。欲藉

秦檜引用李光特欲藉其

虛名以息羣議。光既素負人望。寧不知議和之非。乃竟隨同押榜。是何爲者。迨聞淮南撤備。始以言見忤。而法惜已晚矣。

之同押榜。以息浮議。乃請于帝而用之。光既受命。遂于尙書省榜諭。金國使來盡歸河南陝西故地。通好于我。許還梓宮及母兄親族。餘無需索。

已未九年。

金天眷二年。

春正月大赦。

以金國通和也。張浚在永州。上疏言。燕雲之舉。其鑑不遠。敵自宣和以來。挾詐反覆。傾我國家。蓋非可結以恩信者。借令天屬盡歸。河南遂復。我德其厚。賜謹守信誓。數年之後。人情益解。士氣潛消。彼或指瑕造釁。肆無厭之欲。發難從之請。其將何辭以對。况事理可憂。又有甚于此者。前後凡五上疏。皆不報。岳飛在鄂州。聞金將歸河南地。上言。金人不可信。和議不可恃。相臣謀國不臧。

恐貽後世譏。秦檜銜之。及赦至。鄂飛又上疏。力陳和議之非。至有願定謀于全勝。期收地于兩河。唾手燕雲。終欲復讐而報國。誓心天地。尙令稽首以稱藩之語。疏入。檜益怒。遂成讐隙。和議成。例加爵賞。飛加開府儀同三司。力辭。言今日之事。可危而不可安。可憂而不可賀。可訓兵飭士。謹備不虞。而不可論功行賞。取笑敵人。三詔不受。帝溫言獎諭之。飛乃受命。吳璘在熙州。其幕客擬爲賀表。璘慨然曰。在朝廷休兵息民。誠天下慶。璘等叨竊。不能宣國威靈。亦可愧矣。但當待罪稱謝可也。

三月。遣判太宗正事士褒。

字立之。郇康孝王仲御之子。

兵部侍郎張燾。

詣河南修奉陵寢。

初。史館校勘范如圭。以書責秦檜。力建和議。忘讐辱國之罪。且曰。公不喪心病狂。奈何爲此。必遺臭萬世矣。及

金人歸河南地。檜方自以爲功。如圭入對。言兩京之版圖既入。則九廟八陵。瞻望咫尺。今朝陵之使未遣。何以慰神靈。萃民志乎。帝泣然曰。非卿不聞此言。卽日遣士褒等往。檜以如圭不先白已。益怒。如圭遂謁告去。

以尹焞提舉萬壽觀。兼侍講。辭不拜。

先是。資善堂翊善朱震疾亟。薦焞自代。帝慘然曰。楊時物故。胡安國與震又亡。朕痛惜之。趙鼎曰。尹焞學問淵源。可以繼震。乃除焞太常少卿。兼崇政殿說書。至是。命焞以和議爲非。固辭不拜。

以王倫爲東京留守。

命倫交割地界。又以周聿爲陝西宣諭使。方庭實爲三

京宣諭使已而倫至汴金人遂歸河南陝西之地得東

三京壽春府亳州曹州及京西陝西諸州地庭實至西京先朝陵寢自永昌

而下皆遇發掘而哲宗陵至暴露庭實解衣覆之歸以

白帝秦檜怒之尋以路允迪爲南京留守孟庾兼東京

留守李利用權留守西京

以吳玠爲四川宣撫使

玠與金人對壘且十年常苦遠餉勞民屢汰冗員節浮費益治屯田和議之成帝以玠功高授開府儀同三司四川宣撫使陝西階成等州皆聽節制遣內侍奉手札以賜至則玠病甚扶掖聽命

夏四月命樓炤宣諭陝西

昭至鳳翔。承制以楊政爲熙河經畧使。吳璘爲秦鳳經畧使。屯內地以保蜀。郭浩爲鄜延經畧使。屯延安以守陝。昭倚秦檜勢。妄自尊大。且好貨。失將士心。

罷權吏部尙書。晏敦復。

和議之初。敦復力詆屈已之非。秦檜使人詠之曰。公若曲從。兩地旦夕可至。敦復曰。吾終不以身計而誤國家。况吾薑桂之性。到老愈辣。請勿復言。檜卒不能屈。權吏部甫踰月。罷知衢州。

五月。李世輔自夏來歸。賜名顯忠。

世輔至夏。夏人問其故。世輔泣。具言父母妻子之亡。切齒疾首。恨不卽死。願得二十萬人。生擒薩里干。取陝西。

五路歸于夏。世輔亦得報不共戴天之讐。夏主曰。爾能立功。則不靳借兵。時有僧豪號青面夜叉者。久爲患。令世輔圖之。世輔以三千騎。晝夜疾馳。奄至其帳。擒之。還夏主大悅。卽出二十萬騎。以文臣王樞。武臣多阿克。舊作多訛。今改爲陝西招撫使。世輔爲延安招撫使。世輔至延安。總管趙惟清大呼曰。鄜延今復歸朝。已有赦書。世輔取赦文觀之。因與官屬列拜大哭。乃以舊部八百餘騎往見王樞。多阿克曰。世輔已得延安府。見講和赦書。招撫可以本部軍歸國。多阿克不從曰。初經畧乞兵來取陝西。今旣到此。乃令我歸邪。世輔知勢不可。出刀斫多阿克不及。擒王樞縛之。夏人以鐵鷁子軍來。世輔以所部

拒之。馳揮雙刀。所向披靡。夏兵大潰。殺死蹂踐。無慮萬人。獲馬四萬匹。世輔揭榜招兵。每得一人。予馬一匹。旬日間。得驍勇少壯者萬人。乃擒害其父母弟姪者。斬於東市。行至鄜州。有馬步軍四萬餘。吳玠遣張振撫諭之。曰。兩國見議和好。不可生事。世輔遂見玠于河池。玠遣詣長安。見樓炤。炤承詔。以爲護國軍承宣使。樞密行府前軍都統制。送之朝。世輔乃率部下三千南來。帝撫勞再三。賜名顯忠。

夏主乾順卒。子仁孝立。

自是夏受金人冊命。不復通使于宋。

仁孝改元大慶。號乾順曰崇宗。

開府儀同三司四川宣撫使吳玠卒。

諡武安。

自富平之敗。金人專意圖蜀。微玠身當其衝。無蜀久矣。

既卒。西人思之。立祠以祀。玠善讀史。凡往事可師者。錄置座右。積久。牆牖皆格言也。

用兵本孫吳。務遠畧。不求近小利。故能保必勝。御下嚴而有恩。虛心請受。雖身為大將。卒伍最下者。得以情達。

故士樂為之死。選用將佐。視勞能為高。下先後。不以親故權貴撓之。卒贈少師。

士褒張燾還自河南。出燾知成都府。

士褒至鄂。岳飛請以輕騎從。洒掃。實欲觀釁。以伐謀。秦

檜白止之。士褒出蔡潁。河南百姓歡迎夾道。以喜。以泣。

曰。久隔王化。不圖今日復為宋民。遂入栢城。在河南府鞏縣。披

歷榛莽。隨宜葺治。禮畢而還。詔封士褒為齊安郡王。張

燾奏疏曰。金人之禍。上及山陵。雖殄滅之。未足以雪此

耻。復此讐也。必不可恃和盟。而忘復讐之大事。帝問諸

疏言金人之禍及山陵尚亦何忍復問況承旨以下諸陵之暴露發掘

前此方庭實奉使歸嘗補
言之亦何待再問或責
僅渾涵以對不能直陳其
狀以激動君心不知高宗
始聞壽對而默然旋以不
容于檜斥使出外即使壽
盡情實對高宗亦且付之
無可如何而已又豈能奮
發雪恨哉

陵寢何如。壽不對。惟言萬世不可忘此讐。帝默然。秦檜
患之。出壽知成都府。

秋七月。以胡世將

字承公。宿之曾孫。

為四川宣撫副使。

世將精神明悟。閑習吏治。初除宣撫。諸將皆賀。世將語
之曰。世將不習騎射。不知敵情。朝廷所以遣來者。襲國
家故事。以文臣為制將耳。軍事一無改吳宣撫之規。各
推誠心。共濟國事可也。諸將皆拜謝。

金宋王博勒郭等謀反。伏誅。

金博勒郭自以太宗長子。跋扈尤甚。亮王額爾袞為左
丞相。復附之。達賚方持兵柄。遂相與謀反。車覺。博勒郭
額爾袞皆伏誅。以達賚屬尊。釋不問。已而達賚復以謀

反伏誅。

時金以達賚與杜充爲行臺左右丞相。命下。達賚謂使者曰。我開國功臣也。何罪而使。我降與

杜充同伍。遂復與翼王呼蘭等謀反。事覺。金主疑達賚與宋陰結。故主割地。遂命誅之。達賚南走。追而殺之。于

祁州。其黨皆死。呼蘭舊作鵠。賴。今改。

王倫如金。金人執之。

烏珠言于金主曰。達賚博勒郭主割河南與宋。必有陰謀。今宋使在汴。勿令踰境。倫聞之。卽遣介具言于朝。會孟庾至汴。倫卽解留鑰。將使指赴金國議事。行至中山。會達賚謀反。金人執之。遣副使藍公佐還議歲貢正朔誓命等事。及索河東北士民之在南者。而徙倫居于河間。以待報命之至。時皇后邢氏崩于五國城。金人秘之。

冬十二月。李光罷。

光初謂可因和爲自治之計。故署榜不辭。及秦檜議撤淮南守備。奪諸將兵權。光始極言和不可恃。備不可撤。檜惡之。光復折檜于帝前曰。觀檜之意。是欲壅蔽陛下耳目。盜弄國柄。懷姦誤國。不可不察。檜大怒。光遂求去。

庚申十年。

金天眷三年。

春正月。遣工部侍郎莫將等使金。

初。將爲司農丞。與監察御史施廷臣附秦檜。抗章力贊和議。檜擢用將爲起居郎。廷臣爲侍御史。朝論大駭。尚書晏敦復等上疏切諫。于是二人皆不敢受命。檜患之。至是以將爲工部侍郎。充迎護梓宮。奉迎兩宮使。

故相李綱卒。

諡忠定。

綱負天下之望。以一身用舍。爲社稷生民安危。雖身或

不用。用且不久。而其忠誠義氣。凜然動乎遠邇。每使者至金。金人必問李綱趙鼎安否。其爲遠人所畏服如此。及是。卒於福州。贈少師。朱子曰。綱知有君父。而不知身。有禍難。雖以讒間竄斥。屢瀕九死。而愛君憂國之志。終有不可奪者。可謂一世之偉人矣。

夏五月。金烏珠薩里干分道南侵。復破河南陝西州郡。

烏珠以歸河南陝西地爲非計。而張通古又言宋置戍河南。請及其部置未定。當議收復。幹布然之。及達賚誅。遂大閱國中兵于祁州。命烏珠自黎陽趨河南。右監軍薩里干出河中趨陝西。烏珠率孔彥舟等入汴。遣烏魯鄂爾多之。鄂爾多之子。卽世宗。取歸德。李成取河南。分兵下諸郡。于是東京留守孟庾。南京留守路允迪。皆以城降。權西京留守李

張浚嘗屢由視師高宗深
加倚任自力諫和議以後
遂爾見踈然所言雖與檜
牴牾實乃心存忠愛何至
疾之如仇寧覆國不用此
人豈人君所宜出諸口者
蓋高宗處心積慮久無意
于中原非僅為奸邪所愚
弄爾

利用棄城走河南州縣皆降。拱州守臣王慥亳州提轄
魏經死之。薩里干入同州。趨永興軍。權知軍事郝遠開
門納之。陝西州縣所至迎降。遠近震恐。秦檜以其言不
讐甚懼謂給事
中馮檣曰。金人敗盟。我之去就未可卜。前此大臣皆不
足慮。獨君鄉衮。未測上意。君其為我探之。檣入見曰。金
人長驅犯順。勢必興師。如張浚者。且須以戎機
付之。帝正色曰。寧至覆國。不用此人。檜聞之喜。

詔吳璘同節制陝西諸軍。六月。璘敗金人于扶風。復其城。
薩里干走鳳翔。

初。胡世將在河池。倉卒召諸將議。時吳璘孫渥已在。楊
政。田晟繼至。諸將請少退。清野以挫其鋒。渥言河池不
可守。璘厲聲折之曰。懦語沮軍。可斬也。璘請以百口保
破敵。世將壯之。指所居帳曰。世將誓死于此。遂遣諸帥

分據渭南。尋詔世將移屯蜀口。以璘同節制陝西諸路。

軍馬。時金人攻石壁砦。

在秦州界。

璘遣姚仲等破走之。旣而

薩里干使鶻眼郎君以三千騎衝璘軍。璘使統制李師

顏以驍騎擊敗之。金人先于扶風築城。旣敗入城拒守。

官軍攻拔其城。獲三將及女真百十七人。薩里干怒甚。

自戰百通坊。

在鳳翔府扶風縣西南。

仲力戰破之。薩里干還鳳翔。

由是金人不敢度隴。分屯之軍得全師而還。

東京副留守劉錡大敗金人于順昌。烏珠走汴。

初。錡赴東京。率所部自臨安泝江絕淮至渦口。方食。忽

暴風拔坐帳。錡曰。此賊兆也。主暴兵。卽下令兼程而進。

聞金人敗盟南下。錡與將佐舍舟陸行。先趨三百里。至

順昌城下。諜報東京已降。知府陳規見錡問計。錡曰。城
中有糧。則能與君共守。規曰。有米數萬斛。錡曰。可矣。乃
與規議。斂兵入城。為守禦計。時錡所部多王彥八字軍。以將駐于汴。皆攜卒以行。
至是。錡召諸將問計。諸將皆曰。金兵不可敵也。請以精銳遮老稚。順流還江南。錡曰。吾本赴官留司。今東京為
金所陷。幸吾全軍至此。有城可守。奈何棄之。吾意決矣。
敢言去者。斬。乃鑿舟沉之。示無去意。真家寺中。積薪于門。戒守者曰。脫有不利。即焚吾家。毋辱敵手也。于是軍士皆奮。男子備守戰。婦人礪刀劍。爭呼躍曰。平日人欺我八字軍。今日我時守備。一無可恃。錡于城上躬自督當與國破賊立功。時守備一無可恃。錡于城上躬自督勵。取劉豫時所造癡車。以輪轆埋城上。又撤民戶扉。周匝蔽之。城外有民居數千家。悉焚之。凡六日。粗畢。而金兵已涉潁河。遂圍城。錡預于城下設伏。擒金將阿哈。舊作阿黑。今改。等二人。詰之。云韓將軍。謂韓常。營白沙窩。在潁州府後仿此。

阜陽縣西北

距城三十里。鎡夜遣千餘人擊之。連戰。殺傷頗

衆。旣而金三路都統葛王烏魯以兵三萬與龍虎大王合而薄城。鎡令開諸門。金人疑而不敢近。鎡用破敵弓。翼以神臂彊弩射之。金兵稍卻。復以步兵邀擊。溺河死者不可勝計。破其鐵騎數千。時順昌圍已四日。金兵益盛。乃移砦李村。在阜陽縣北鎡遣閻充募壯士五百。夜斫其營。是夕。天欲雨。電光四起。見辮髮者輒殲之。金兵退十五里。鎡復募百人往。或請銜枚。鎡笑曰。無以枚也。命折竹爲𦵏。古弔切。同叫。周禮。雞人。嘒旦。以𦵏百官。如市井兒以爲戲者。人持一爲號。直犯金營。電所燭則奮擊。電止則匿不動。金兵大亂。百人者聞吹𦵏聲卽聚。金人益不能測。終夜自戰。

積屍盈野。退軍老婆灣。

在蘇州府太和县北岸。

烏珠在汴聞之。

卽索靴上馬。帥十萬衆來援。鎬會諸將問計。或言今已

屢捷。宜乘此勢。具舟全軍而歸。規曰。朝廷養兵十五年。

正爲緩急之用。况已挫敵鋒。軍聲稍振。雖寡衆不敵。然

有進無退。鎬曰。府公文人。猶誓死守。况汝曹耶。且敵營

甚邇。而烏珠又來。吾軍一動。彼蹙其後。則前功俱廢。使

敵侵軼兩淮。震驚江浙。則平生報國之志。反成誤國之

罪。衆皆感動思奮。曰。惟太尉命。

鎬募得曹成等二人。諭之曰。遣汝作間事。捷重

賞。第如我言。敵必不殺汝。今置汝紆路騎中。汝遇敵則

作墜馬爲敵所得。敵帥問我何如人。則曰。太平邊帥子。

喜聲伎。朝廷以兩國講和。使守東京。圖逸樂耳。已而二

人果遇敵。被執。烏珠問之。對如前。烏珠喜曰。此城易破

耳。卽置驚車。飽具。不

用。而械成等還鎬。烏珠至城下。責諸將喪師。衆皆曰。

南朝用兵。非昔之比。元帥臨城自見。錡遣耿訓約戰。烏珠怒曰。劉錡何敢與我戰。以吾力破汝城。直用靴尖趯倒耳。訓曰。太尉非但請戰。且謂太子必不敢濟河。願獻浮橋五所。濟而大戰。烏珠曰諾。乃下令明日府治會食。遲明。錡果爲五浮橋于潁河上。置毒潁上流。及草中。戒軍士。雖渴死毋飲于河。時大暑。金人遠來疲弊。晝夜不解甲。人馬饑渴。食水草者輒病。往往困乏。錡士氣閒暇。軍皆番休。方晨氣清涼。按兵不動。逮未申時。忽遣數百人出西門接戰。俄遣數千人出南門。戒令勿喊。但以銳斧犯之。統制官趙撙韓直身中數矢。戰不肯已。士殊死鬪。入其陣。刀斧亂下。金兵大敗。是夕大雨。平地水深尺。

餘。明日烏珠拔營而去。錡遣兵追之。死者數萬。方大戰時。烏珠被白袍。乘甲馬。以牙兵三千督戰。兵皆重鎧甲。號鐵浮圖。戴鐵兜鍪。周匝綴長簷。三人爲伍。貫以韋索。每進一步。卽用拒馬擁之。進一步。拒馬亦進。退不可卻。錡軍以鎗標去兜鍪。大斧斷其臂。碎其首。金又以鐵騎分左右翼。號拐子馬。皆女真爲之。號長勝軍。專以攻堅。戰酣。然後用之。自用兵以來。所向無前。至是。亦爲錡軍所殺。自辰至申。錡以拒馬木爲障。少休。城上鼓聲不絕。乃出飯羹。坐餉戰士如平時。金人不敢近。食已。復撤拒馬木。深入大戰。又破之。棄屍斃馬。血肉枕藉。車旗器甲。積如山阜。烏珠平日所恃以爲強者。十損七八。至陳州。

數諸將之罪。皆鞭之。遂還汴。

既而洪皓自金密奏。順昌之捷。金人震恐。喪魄。燕之

重寶珍器。悉徙而北。意欲捐燕以南棄之。故議者謂是時諸將協心。分路追討。則烏珠可擒。汴京可復。而王師

亟還。自失機。會良可惜也。

岳飛遣兵敗金人于京西。

帝賜飛札曰。設施之方。一以委卿。朕不遙度。飛乃遣王

貴。牛皋。楊再興。李寶

河北人。

等。經畧西京。汝。鄭。潁昌。陳曹

光。蔡。諸郡。又命梁興渡河。糾合忠義社。取河東北州縣。

又遣兵東援劉錡。西援郭浩。自以其軍長驅以圖中原。

將發。密奏言。先正國本以安人心。然後不常厥居。以示

無忘復讐之意。飛將李寶。牛皋。相繼敗金人于京西。

閏月。金人攻涇州。經畧田晟破走之。

薩里干與吳璘楊政夾渭河而陣。璘駐兵大蟲嶺。即西平原。

在鳳翔府寶雞縣東北。其原高峻故謂之嶺。薩里干覘之曰。善戰者立于不

敗之地。此難與爭。乃引去。趨邠州。田晟遣將拒之于青

溪嶺。

在平涼府涇州西南。

胡世將又遣王彥。楊從儀分道而出。屢

戰敗之。薩里干還屯鳳翔。既而復出攻涇州。田晟據山

爲陣。乘金師壁壘未定。奮兵擊敗之。奪其兵馬甚衆。薩

里干走還鳳翔。

岳飛收復河南州郡。

飛攻金人于蔡州。破之。復其城。于是遣張憲敗金韓常

于潁昌。又復淮寧府。郝晷復鄭州。張應韓清復西京。楊

遇復南城軍。

宋置。在河南府鞏縣西南。

喬握堅復趙州。他將所至皆

捷金人大震。河南兵馬鈐轄李興聚兵應飛。收復伊陽等八縣。及汝州。金河南尹李成棄城遁走。詔興知河南府。飛又使張應會興復永安軍。宋初置縣。以奉陵寢。後改軍。故城在今鞏縣西南。

韓世忠遣兵復海州。

世忠使王勝等復海州。父老哀金帛以犒軍。勝不受。世忠每出軍。必戒以秋毫無犯。軍之所過。耕夫皆荷鋤而觀。

張俊使王德復宿州。金人棄亳而遁。俊入亳。遽還壽春。

俊遣統制王德援潁昌。兵還就檄德復宿州。德倍道自壽春馳至蘄縣。與金游騎遇。遂入城。偃旗卧鼓。遊騎引

去德因潛師趨宿州。夜半薄金營。金人阻汴水邀戰。德策馬先濟。步騎從之。遙謂金人曰。吾與爾大小百戰。雖名王貴酋。莫不糜碎。爾何爲者。金將高統軍遂投兵降。守將馬秦馳入城。閉門固守。德叱其子順先登。秦遂降。宿州平。德乘勝趨亳州。與俊會于城父。注見前時酈瓊與葛王烏嚕在亳。聞德至。曰。夜叉未易當也。卽遁去。德入亳州。請于俊曰。今兵威已震。請乘勝進取。俊不從而還。初欽宗時。德以十六騎徑入隆德府。縛金守臣姚太師獻于朝。欽宗問狀。姚對曰。臣就縛時。止見夜叉耳。由是人呼爲王夜叉。

安置趙鼎于潮州

秦檜惡鼎居越。逼已。徙知泉州。又諷司諫謝祖信等論

鼎嘗受張邦昌偽命。遂奪節提舉洞霄宮。鼎自泉還。復

上書言時政。檜忌其復用。又諷中丞王次翁。字慶曾。濟南人。論

其乾沒都督府錢十七萬緡。謫官居興化軍。次翁及右

諫議大夫何鑄。字伯壽。餘杭人。論之不已。乃貶清遠軍節度副

使。潮州安置。

秋七月。以王次翁參知政事。

次翁由秦檜薦爲中丞。凡可以爲檜地者。無不力爲之。

及金人敗盟。帝下詔罪狀烏珠。次翁懼檜得罪。因奏曰。

前日國是初無主議。事有小變。更用他相。後來者未必

賢。而排黜異黨。紛紛累月不能定。願陛下以爲至戒。帝

深然之。檜德其言。遂引同列。由是檜益安據其位。公論

不能撼搖矣。

岳飛擊走金烏珠于郾城。追至朱仙鎮。

在開封府祥符縣西南。以朱亥舊里

故名。大破之。遣使修治諸陵。

先是。飛赴西京。秦檜力主和議。奏遣司農少卿李若虛詣飛營。諭旨班師。會飛已復河南州郡。相繼奏捷。至是。飛留大軍于潁昌。命諸將分道出戰。自以輕騎駐郾城。兵勢甚銳。烏珠大懼。會諸帥欲併力一戰。朝廷聞之。詔飛審處自固。飛曰。金人伎窮矣。乃日出挑戰。且罵之。烏珠怒。合龍虎大王。蓋天大王。及韓常之兵。逼郾城。飛遣子雲領騎兵直貫其陣。戒之曰。不勝。先斬汝。雲與金人戰數十合。殺傷甚衆。烏珠以拐子馬萬五千來。飛戒步

北人使馬。惟以控縱便捷。為主。若三馬聯絡。馬力既

有參差者必此前後却而
三人相連或勇怯不齊勇
者且為怯者所累此理之
易明者拐子馬之說金史
本紀三志及烏珠等傳皆
不載惟見於宋史岳飛劉
錡傳本不足為確據况烏
珠戰陣素嫻必知得進則
進得退則退之道豈肯羈
絆已馬以受制於人此或
彼時列隊齊進所向披靡
宋人見其勢不可當遂從
而妄加之名曰耳即所云
馬被重鎧亦徒束縛而不
能騁其騰驤之力尤理所
必無紀事家或徇於兵車
駟介之說強為傳會不足
當有識者一晒千載傳訛

卒以麻扎刀入陣。勿仰視。第斫馬足。拐子馬相連。一馬
仆。二馬不能行。飛軍奮擊。遂大破之。烏珠大慟曰。自海
上起兵。皆以此勝。今已矣。因復益兵而前。飛自以四千
騎突戰。敗之。烏珠憤甚。合師十二萬。次于臨潁。楊再興
以三百騎遇之于小商橋。在許州臨潁縣南。下臨小澗河。驟與之戰。殺
二千人。及萬戶薩巴。舊作撒八。今改。後仿此。千戶百人。再興死之。
獲屍焚焉。得箭鏃二升。飛痛惜之。張憲繼至。復戰。烏珠
夜遁。追奔十五里。中原大震。飛謂子雲曰。敵屢敗。必還
攻潁昌。汝宜速援王貴。既而烏珠果至。貴將游奕。雲將
背嵬戰于城西。雲以騎兵八百挺前決戰。步卒張左右
翼繼之。殺烏珠婿夏金吾。飛又使梁興會太行忠義兩

耳食之徒無能究其真偽
皆爲史冊無稽之說所誤
不得不明辯之

河豪傑敗金人于垣曲。又敗之于沁水。遂復懷衛州。斷
金人山東河北之道。金人大恐。飛進軍朱仙鎮。距汴京
四十五里。與烏珠對壘而陣。遣背嵬騎五百奮擊。大破
之。烏珠還汴。飛檄陵臺令。行視諸陵。葺治之。

岳飛奉詔班師還鄂。河南州郡復入于金。

兩河豪傑李通等率衆歸飛。由是金人動息。山川險要。
飛皆得其實。中原盡磁相。澤潞。晉絳。汾。隰之境。皆期日
興兵。與官軍會。其所揭旗。以岳爲號。父老百姓爭挽車
牽牛。載糗糧。以饋義軍。頂盆焚香迎候者。充滿道路。自
燕以南。金人號令不行。烏珠欲僉軍以抗飛。河北無一
人應者。乃嘆曰。自我起北方以來。未有如今日之挫衄。

岳飛奉詔班師議者病其不能達權以圖恢復此甚非也人徒見飛長驅逐北轉戰克捷金之號令不能行于河北謂其功在垂成不知飛孤軍深入內外無援安能保其長操必勝此即馬牛生所以逆料岳少保之目迷也飛雖善戰亦止當一面耳及諸路大兵已撤中原無復宋師脅飛

金將烏凌噶思謀素驍勇桀黠亦不能制其下。但諭曰。毋輕動。待岳家軍來卽降。金將王鎮。崔慶。李覲。崔虎。華旺等。皆率所部降。龍虎大王之將噶克察。舊作乞查。今改。等。亦密受飛旗榜。自其國來降。韓常亦欲以衆五萬內附。飛大喜。諭其下曰。直抵黃龍府。與諸君痛飲爾。方指日渡河。而秦檜欲畫淮以北與金和。諷臺臣請班師。飛奏金人銳氣沮喪。盡棄輜重。疾走渡河。而我豪傑向風。士卒用命。時不再來。機難輕失。檜知飛志銳不可回。乃先請張俊。楊沂中等歸。而後上言。飛孤軍不可久留。飛一日奉十二金字牌。乃憤惋泣下。東面再拜曰。十年之力。廢于一旦。乃自鄆城引兵還。民遮馬痛哭。訴曰。我等迎官

以不得不還之勢至金牌促召固已事不可為飛之悲泣回軍實亦知難而退者區區功罪之說猶未深察其時勢之當然也惟是臨安偏處已非一木所能支而復多方以挫抑其良將自壞長城檜之姦不足置論高宗誠無人心者耳

軍金人皆知之。相公去。我輩無噍類矣。飛亦悲泣。取詔示之曰。吾不得擅留。哭聲振野。飛留五日以待。以徙從而南者如市。飛亟奏以漢上六郡閒田處之。初。烏珠敗于朱仙鎮。欲棄汴而去。有書生叩馬曰。太子毋走。岳少保且退。烏珠曰。岳少保以五百騎破吾十萬。京城日夜望其來。何謂可守。生曰。自古未有權臣在內。而大將能立功于外者。岳少保且不免。况欲成功乎。烏珠悟。遂留不去。飛還。烏珠遣兵追之不及。而河南新復府州皆復為金有。飛至鄂。力請解兵權。不許。已而入覲。帝問之。飛拜謝而已。

周禮曰。飛甫班師。河南遂破。是固天之所以限南北也。或以飛即被詔違而前進。竟復舊物。以功贖罪。不亦可乎。曰。違而前進。則是有跋扈不臣之心。况十二金牌一日迭至。雖功蓋天下。罪亦難贖。君子其肯蒙首惡之名哉。

八月。貶秘閣修撰張九成。

子韶開封人。徙錢塘。

等官。

九成及喻樗陳剛中。凌景夏。樊光遠。毛叔度。元盥等七

人。嘗不主和議。為秦檜所惡。至是皆降黜之。

九成從楊時學。紹興

初舉進士。對策直言無隱。及為刑部侍郎。會金人議和。九成言于趙鼎曰。金實厭兵。而張虛聲以撼中國耳。因陳十事云。彼誠能從吾所言。則與之和。使權在朝廷。鼎罷相。檜誘之曰。且成檜此事。九成曰。九成胡為異議。特不可苟安耳。檜曰。立朝須優游委曲。九成曰。未有枉己而能直人者。帝問以和議。九成對曰。敵情多詐。不可不察。檜尤惡之。

楊沂中軍潰于宿州。走還泗。金人屠宿州。

沂中兵至宿州。金遣間告敵。騎數百屯柳子鎮。

注見沂

中自將五百騎夜襲之。不見金兵而還。金人以精兵伏歸路。沂中軍潰。遂自壽春走歸泗。金人屠宿州。

九月遣使諭韓世忠罷兵還鎮。

時諸大帥皆還鎮。

金殺其左丞相固新右丞相蕭慶。

冬十月金薩里干破慶陽河東經畧使王忠植死之。

忠植本河東步佛山

方輿紀要在汾州府永寧州。

忠義人

鄉勇之結忠義社者。

以復石代等十一州功授河東路經畧安撫使及薩里干侵慶陽知府宋萬年拒守胡世將檄忠植以所部救慶陽行次延安叛將趙惟清執忠植詣薩里干薩里干使甲士引至慶陽城下諭降忠植大呼曰我太行忠義也爲金所執使來招降願將士勿負朝廷堅守城壁薩里干怒詰之忠植披襟曰當速殺我遂遇害萬年以城

降。後贈忠植奉國軍節度使。諡義節。

臨安火。

十一月金封孔子後璠爲衍聖公。

時金主興禮樂立孔子廟于上京求孔子後得四十九代孫承奉郎璠遂封之。

十二月金始置屯田軍于中原。

金旣取河南猶慮中原士民懷貳始創屯田軍凡女真奚契丹之人皆自本部徙居中州與百姓雜處計其戶口授以官田使自播種春秋量給其衣若遇出師始給錢米凡屯田之所自燕南至淮隴之北俱有之皆築壘于村落間。

四十一

金皇統元年

春正月金烏珠破壽春入廬州詔張俊

等將兵救之二月王德復和州

烏珠自敗後留屯京毫出入許鄭之間僉兩河軍與舊部凡十餘萬以謀再舉及聞秦檜召諸軍還乃攻破壽春遂渡淮入廬州詔張俊楊沂中帥兵赴淮西岳飛進兵江州尋詔韓世忠引兵往援時烏珠自合肥趨歷陽游騎至江張俊議分軍守南岸王德曰淮者江之蔽也棄淮不守是謂脣亡齒寒敵數千里遠來餉道決不繼及其未濟急擊之可以奪氣若遲之使少安則淮非吾有矣固請而行卽渡采石俊督軍繼之宿江中德曰明旦當會食歷陽已而夜拔和州晨迎俊入烏珠退保昭

關。

在和州含山縣北。史記伍子胥橐載而入昭關。卽此。

尋復來爭和州。俊擊敗之。

旣而德又敗韓常于含山縣東。

唐置。今屬和州。

又敗烏珠于昭

關。復含山及昭關。

金人破商州。邵隆復之。

楊沂中劉錡敗金烏珠于柘臯。

卽春秋橐臯。橐拓音相近。而訛。後人又因拓類柘而

再訛也。遂復廬州。

劉錡自太平渡江。與張俊楊沂中會。而廬州已破。錡乃

與關師古

先降劉豫。後復來歸。

據東關。

注見前。

之險。以遏金兵。引兵

出清溪。

在廬州府巢縣東北。水經注。清溪水。東逕清溪城南。流注柵水。卽此。

兩戰皆捷。烏

珠以柘臯地坦平。利于用騎。因駐師。錡進兵。與烏珠夾

石梁河。

卽濡須水之石梁口也。注見前。

而陣。河通巢湖。廣二丈。錡命曳

薪壘橋須臾而成。道甲士數隊踰橋臥槍而坐。遣人會

合張俊楊沂中之師。翌日沂中及王德用師中張子蓋

字德高俊從子諸軍俱至。惟俊後期。錡與諸將分軍爲三並進。

渡河以擊之。師中欲俟俊至。德曰。事當機會。復何待。卽

與錡上馬先迎敵。沂中繼之。烏珠以鐵騎十萬餘分爲

兩隅夾道而陣。德曰。敵右陣堅。我當先擊之。麾軍渡河。

首犯其鋒。一將被甲躍馬而出。德引弓一發斃之。乘勝

大呼馳擊。諸軍鼓譟從之。金人以拐子馬兩翼而進。德

率衆鏖戰。沂中曰。敵恃弓矢。吾有以屈之。使萬人持長

斧如牆而進。金遂大敗。德與錡等追之。又敗于東山。在

縣東。金兵望見驚曰。此順昌旗幟也。卽走保紫金山。注見前。

是役也。失將士九百人。金人死者以萬計。旣而烏珠復

親帥兵逆戰于店步。

卽店埠鎮。在廬州府合肥縣東。

沂中等又敗之。乘

勝逐北。遂復廬州。

金命致仕官至三品者。給半俸。

金追封昏德公爲天水郡王。重昏侯爲天水郡公。

又封耶律延禧爲豫王。

金主親祀孔子。

三月。張俊。楊沂中。劉錡。奉詔班師。金人破濠州。俊使沂中救之。敗績。

張俊。楊沂中。劉錡。奉詔班師。纔行數里。諜報金人攻濠

州甚急。俊乃復邀沂中。錡。會于黃連埠。

在合肥縣東北。同往。

俊懦蕙無能心多猜忌其
于劉錡固久深嫉之當金
師東渡既不從其退師據
險之謀及聞兵去又不信
其嚴兵設備之說且阻錡
無往遂至倉卒敗逃死傷
枕藉欲邀功而適以喪師
不聞問其失律之罪當時
敗令可知矣

援距濠六十里而濠南城已破俊召諸將謀之沂中欲
戰錡曰本來救濠今濠已失進無所依不若退師據險
徐爲後圖諸將皆曰善三師鼎足而營或言敵兵已去
錡謂俊曰敵得城遽退必有謀也宜嚴兵備之俊不聽
且欲自以爲功命錡無往而令沂中與王德將神勇步
騎六萬直趨濠州列陣未定烟起城中金人伏騎萬餘
分兩翼出沂中以策麾軍曰那回諸軍以爲令其走也
遂潰而南無復紀律金人追之死者甚衆乃皆還鎮俊歸
建康錡歸太平
沂中歸臨安

岳飛帥兵救濠州不及還次舒州

飛將救濠州奏金人舉國南來巢穴必虛若長驅京洛

以擣之。彼必奔命。可坐而敝。帝不從。飛方苦寒。嗽力疾而行。又恐帝急于退敵。乃奏臣如擣虛。勢必得利。若以敵方在邇。未暇遠圖。欲乞親至。斬黃以議攻卻。帝乃詔飛會師。斬黃。飛至濠。而城已破。遂還兵舒州。以俟命。金人渡淮北去。

夏四月。以韓世忠。張俊爲樞密使。岳飛爲副使。

秦檜力主和議。恐諸將難制。欲盡收其兵權。給事中范

同字擇善。建康人。獻計于檜。請除韓世忠。張俊。岳飛。樞密府則

兵柄自解。檜喜。乃密奏柘臯之捷。召三將赴行在。論功行賞。于是世忠。俊皆入朝。飛至獨後。檜用王次翁計。俟之七日。旣至。遂拜世忠。俊樞密使。飛爲副使。並宣押至。

樞府治事。加楊沂中開府儀同三司。賜名存中。王德清遠軍節度使。

罷三宣撫司。五月。詔張俊岳飛如楚州閱軍。

張俊知秦檜欲罷兵。首請以所部隸御前。且力贊和議。檜深喜之。遂罷三宣撫司。以其兵隸御前。遇出師。臨時

取旨。又置三總領所于湖北。淮東。淮西。以統諸軍錢糧。

時更軍制之初。將士多不安。乃命俊飛往淮東撫韓世

忠之軍。

初。飛在諸軍中。年少。以列校拔起。累立顯功。張俊不能平。飛屈已下之。淮西之役。俊以糧乏。怵

飛。飛不爲止。

帝賜札。夢諭有曰。轉餉難阻。卿不復顧。俊疑飛漏言。還朝。反倡言飛逗遛不進。以乏餉爲辭。至是

俊知世忠忤檜。

欲與飛分其背嵬軍。飛義不肯。俊大不悅。既至楚州。俊欲修城爲備。飛曰。當戮力以圖恢復。豈

可爲退保計。

俊變色。會世忠忠軍吏景著與總領胡昉言二樞密若分世忠軍。恐至生事。昉上之朝。檜捕著下大

張俊才勇。既不逮岳飛。遠甚。又嫉其驟貴。累立顯功。猶嫌日積。竟至甘心作檜鷹犬。百計傾誣。織成冤獄。其罪豈在檜下。高宗任其肆意妄爲。曾不加察。轉使之榮保功名。非庸闇而何。

理。將以扇搖誣世忠。飛馳書告以檜意。世忠見帝自明。俊于是大憾飛。遂密以飛報世忠事告檜。檜大怒。俊飛既還。飛遂不復出掌兵。其僚屬多乞宮祠而去。俊每獨出視師。爲後俊害飛張本。

秋七月。以范同參知政事。

秦檜德同。先進翰林學士。不三月。遂引爲參知政事。

罷淮北宣撫判官劉錡。

錡自順昌之捷。驟貴。張俊。楊存中。嫉之。至是。二人言于朝曰。淮西之役。岳飛不赴援。劉錡戰不力。秦檜信之。遂罷錡兵。命錡知荆南府。

八月。立祚德廟于臨安。

初。神宗熙寧中。立晉程嬰。公孫杵臼廟于絳州。報其存趙孤也。至是。立廟臨安。并祀韓厥。

宋于盾衰亦猶唐之于李耳。然李耳猶謬藉其有元元聖祖之稱。至于盾衰。不過列國一陪臣耳。有何華胄之足炫。且是時兩宮。

未遑陵寢未復廟沾于
祚德之廟以爲追遠報功
其所以爲榮卽所以取辱
耳

罷知溫州王居正

居正立朝累與秦檜忤。自兵部侍郎出知溫州。知不爲

檜所容。以目疾請祠杜門。言不及時事。客至談論經史

而已。檜猶忌之。諷中丞何鑄劾居正爲趙鼎汲引欺世

盜名。奪職奉祠。居正之學。根據六經。楊時器之。出所著

志。居正感勵。首尾十載。爲詩書周禮辨學三十九

卷。與時書同進。二書行。天下遂不復言王氏學。
罷岳飛奉朝請。

飛以恢復爲己任。不肯附和議。嘗讀檜奏。至德無常師

主善爲師之語。恚曰。君臣大倫。根于天性。大臣而忍面

欺其主耶。烏珠遺檜書曰。汝朝夕以和請。岳飛方爲河

北圖。必殺飛始可和。檜亦以飛不死。終梗和議。已必及

禍。故力謀殺之。遂諷中丞何鑄、侍御史羅汝楫

字彥濟歙縣人。

諫議大夫万俟卨

字元忠。開封陽武人。

等交章論飛奉旨援淮西。

暫至舒蘄而不進。比與張俊按兵淮上。欲棄山陽而不

守。乃罷爲萬壽觀使。奉朝請。

九月。吳璘等收復陝西諸州。詔班師還鎮。

吳璘進兵拔秦州。聞金統軍罕占

舊作胡蓋。今改。後仿此。

與希卜

蘇

舊作習不視。今改。後仿此。

合兵五萬。屯劉家圈。

在秦州東北。

請于胡世

將擊之。

世將問策安出。璘曰。有新立疊陣法。每戰以長鎗居前。坐不得起。次最強弓。次強弩。跪膝以俟。

次神臂弓。約賊相搏。至百步內。則神臂先發。七十步。強弓併發。次陣如之。凡陣以拒馬爲限。鐵鉤相連。俟其傷。則更代。代則以鼓爲節。騎兩翼以蔽于前。陣成而騎退。謂之疊陣。世將善之。諸將竊議曰。吾軍其殲于此乎。璘曰。此古東伍令也。軍法有之。諸君不識耳。得卑戰餘意。無出于此。戰士心定。則能持滿。敵雖銳。不能當也。遂

進次剡家灣。

在劉家園南。

時罕占希卜蘇據險自固。前臨峻

嶺。後控臘家城。

在劉家園北。

謂璘必不敢輕犯。先一日璘會

諸將問所以攻。姚仲曰。戰于山上則勝。璘以爲然。乃請

戰。金人皆笑之。夜半璘遣姚仲王彥銜枚渡河。陟峻嶺。

截坡上。約二將上嶺而後發火。二將至嶺。寂無人聲。軍

已畢列。萬炬齊發。金人駭愕曰。吾事敗矣。希卜蘇善謀。

罕占善戰。二人異議。璘先以兵挑之。罕占果出鏖戰。璘

以疊陣法更迭戰。輕裘駐馬。亟麾之。士殊死鬪。金人

大敗。降者萬人。罕占走保臘家城。璘圍而攻之。城垂破。

朝廷方主和議。以驛書詔班師。時璘拔秦州。其勢方張。

陝西河東首領爭來附。而楊政拔隴州。及破岐下諸屯。

郭浩復華州。入陝州矣。詔至。璘卽自臘家城引兵還河池。浩還延安。政還鞏。世將惟浩嘆而已。
莫將還自金。

烏珠欲議和。莫將久留于金。乃縱之歸。以道意。秦檜遂奏遣劉光遠爲通問使。

冬十月。詔以魏良臣爲金國稟議使。

烏珠遣劉光遠還。要官尊望著者爲使。秦檜乃奏遣良臣。

秦檜矯詔下岳飛于大理獄。

秦檜必欲殺飛。乃與張俊謀。密誘飛部曲能告飛事者。優與重賞。卒無應者。俊聞飛嘗欲斬統制王貴。又嘗杖

高宗于岳飛始則賜以精
思。如機旣復手勅褒嘉其
于飛之心跡。非不深知者。
乃檜欲召飛父子證事。不
能明其無罪。第語以勿妄
追證。及檜矯詔逮鞫。致飛
銜不白之冤。死于獄底。高

之。乃誘貴告飛。貴不肯。曰。爲大將。寧免以賞罰用人。苟
以爲怨。將不勝其怨。俊因却以私事。貴懼而從之。檜又
聞飛統制王俊善告許。號鵬兒。以姦貪屢爲張憲所抑。
使人諭之。王俊許諾。于是檜謀以張憲王貴王俊皆飛
部將。使其徒自相攻發。因以及飛父子。庶帝不疑。俊時
在鎮江。乃自爲狀付王俊。妄言副都統制張憲謀據襄
陽。還飛兵柄。令告王貴。使貴執憲。赴鎮江行樞密府。憲
未至。俊預爲獄以待之。屬吏王應求白俊。以爲樞院無
推勘法。俊不聽。親行鞫鍊。使憲自誣。謂得飛子雲手書。
命憲營還兵計。憲被掠無完膚。竟不伏。俊手自具獄成。
告檜。械憲至臨安。下大理寺獄。檜奏召飛父子證憲事。

宗竟不復一言致詰。雖甚憤憤。不應若此。然則檜之擅殺飛父子。高宗實不得辭其責也。

帝曰。刑所以止亂。勿妄追證。動搖人心。檜矯詔召飛父子。使者至。飛第。飛笑曰。皇天后土。可表此心。遂與雲就獄。檜命中丞何鑄。大理卿周三畏鞠之。鑄引飛至庭。詰其反狀。飛裂裳以背示鑄。有舊涅盡。忠報國四大字。深入膚理。旣而閱實。俱無驗。鑄察其寃。白檜。檜曰。此上意也。鑄曰。鑄豈能區區爲岳飛者。強敵未滅。無故戮一大將。失士卒心。非社稷之長計。檜語塞。乃改命諫議大夫万俟卨。卨素與飛有怨。遂誣飛令于鵬。孫革致書張憲。王貴。令虛中探報。以動朝廷。雲與憲書。令措置使飛還軍。且云。其書已焚。飛坐繫兩月。無可證者。或教卨以臺章所指。淮西逗遛事爲言。卨喜。白檜。簿錄飛家。取所賜

御札與往來道途日月皆可攷。乃收其御札送官藏之。
滅跡。尚又使鵬。韋等證飛受詔逗遛。命評事元龜年取
行軍時日雜定之。傳會其獄。大理卿薛仁輔。寺丞李若
樸。何彥猷。皆言飛無辜。判宗正寺士褒請以百口保飛。
無他。且曰。中原未靖。禍及忠義。是忘二聖。不欲復中原
也。皆不聽。韓世忠心不平。詣檜詰其實。檜曰。飛子雲與
張憲書雖不明。其事莫須有。世忠曰。莫須有。三字何以
服天下也。

韓世忠罷。

世忠深以和議爲不然。及魏良臣使金。世忠諫曰。中原
豪傑莫不延頸以俟弔伐之師。若自此與和。日月侵尋。

人情銷弱。國勢委靡。誰復振之。北使之來。乞與面議。復

抗疏言。秦檜誤國之罪。檜諷言官論之。帝不聽。而世忠

連疏乞罷。遂罷爲醴泉觀使。封福國公。世忠自是杜門謝客。絕口不言

兵。時跨驢攜酒。從一二童奴。縱游西湖。以自樂。澹然若未嘗有權位者。平時將佐罕得見其面。

十一月。安置李光于藤州。

秦檜忌光。諷中丞万俟卨論光陰懷怨望。與孫近朋比。

安置藤州。藤州守臣以光詩有諷刺者。獻于檜。檜怒。令

言者論之。再貶瓊州。

和議成。以何鑄簽書樞密院事。奉表稱臣于金。

烏珠以蕭毅邢具瞻爲審議使。與魏良臣偕來。議以淮

水爲界。求割唐鄧二州。及陝西餘地。歲幣銀絹各二十

五萬仍許歸梓宮太后帝悉從其請命宰執告祭天地

宗廟社稷命鑄往使

誓表畧曰臣構言今來畫疆以淮水中流爲界西有唐鄧州割屬上

國自鄧州西南屬光化軍爲敝邑沿邊州城既蒙恩造許備藩方世世子孫謹守臣節每年皇帝生辰并正旦

遣使稱賀不絕歲貢銀絹二十五萬兩匹自壬戌年爲首每春季差人般送至泗州交納有渝此盟明神是殛墜命亡氏蹈其國家臣今既進誓表伏望上國早降誓詔庶使敝邑永爲憑焉毅辭帝諭曰若

今歲太后果還自當謹守誓約如今歲未也則誓文爲

虛設鑄至汴見烏珠遂如會寧烏珠等遣人來復求商

州及和尚方山二原

十二月遣使割唐鄧商秦之地以界金

京西割唐鄧二州陝西割商秦之半棄和尚方山二原

以大散關爲界于是宋僅有兩浙兩淮江東西湖南北

西蜀福建廣東西十五路。而京西南路止有襄陽一府。

陝西路止有階成和鳳四州。凡有府州軍監一百八十

五縣七百三十三。金既畫界。建五京。上京會寧府。東京遼陽府。中京大定府。西京大

同府。南京大興府。後改南京。爲中都。以汴京爲南京。置十四總管府。凡十九路。上

咸平。東京。北京。西京。中都。南京。河北。東西。山東。東西。大名。河東。北京。京兆。鳳翔。鄜延。慶原。臨洮。其間散

府九節鎮三十六。守禦郡二十二。刺史郡七十三。軍十

有六。縣六百三十二。初。邵隆在商州十年。披荆榛。瓦礫

肯離商而去。值和議成。割商與金。隆常怏怏。徒知金州。嘗以兵出境。秦檜恨之。徒知敘州。檜陰使人酖之。

秦檜殺故少保樞密副使武昌公岳飛。

歲已暮而飛獄不成。一日。檜手書小紙付獄。卽報飛死

矣。年三十九。雲與張憲皆棄市。于鵬等從坐者六人。籍

飛家貲。徙之嶺南。于是薛仁輔、李若樸、何彥猷皆被黜。布衣劉允升上書訟飛冤。下大理獄死。齊安王王瓌以救飛。尋放之建州。凡傳成其獄者皆進秩。洪皓在金。以蠟書奏金人所畏服者惟飛。至以父呼之。及聞其死。金人酌酒相賀。飛事親孝。家無姬侍。吳玠素服飛。願與交驩。節名妹遣之。飛曰。主上宵旰。豈大將安樂時邪。卻不受。玠益敬服。帝欲爲飛營第。飛辭曰。金敵未滅。何以家爲。或問天下何時太平。飛曰。文臣不愛錢。武臣不借死。天下太平矣。卒有取民麻一縷以束芻者。立斬以徇。卒夜宿。民開門願納。無敢入者。軍號凍死不拆屋。餓死不鹵掠。卒有疾。飛躬爲調藥。諸將遠戍。飛遣妻問勞其家。死事者哭之而育其孤。或以子婚其女。凡有頒犒。均給軍吏。秋毫不私。善以少擊衆。謀定而後戰。故有勝無敗。猝遇敵不動。故敵爲之語曰。撼山易。撼岳家軍難。張俊嘗問用兵之術。飛曰。仁信智勇嚴關一不可。飛好賢禮士。覽經史。雅歌投壺。恂恂如書生。每辭官。必曰。將士効力。飛何功之有。然忠憤激烈。議論持正。不挫于人。卒以此得禍。飛死時。有女痛父冤。抱銀瓶投井以殉。後人因名其井爲孝娥井。

壬戌

十二年

金皇統二年

春二月進封建國公瑛爲普安郡王。

已而封崇國公璩爲恩平郡王。

事在十五年。

詔諸州修學宮。

何鑄還自金。

初蕭毅至臨安帝曰朕有天下而養不及親徽宗無及矣。今立信誓明言歸我太后朕不耻和不然朕不憚用兵。及何鑄曹勛往帝召至內殿諭之曰朕北望庭闈無淚可揮卿見金主當曰慈親之在上國一老人耳在本國則所繫甚重以至誠說之庶彼有感鑄至金首以太后爲請金主曰先朝業已如此豈可輒改曹勛再三懇請金主乃許之遂遣鑄還許歸徽宗及鄭后邢后之喪。

與帝母韋氏。

三月四川宣撫副使胡世將卒。以鄭剛中

字亨仲。婺州金華人。

代之。

剛中節制諸將極嚴。每入謁必先庭揖。然後就坐。吳璘陞少師。語主閤吏乞講鈞敵之禮。剛中曰。少師雖尊。猶都統制耳。尙變常禮。是廢軍容。璘惶恐聽命。

夏四月。金使人以袞冕來冊帝。

金遣左宣徽使劉筈

彥宗之子。

以袞冕圭冊冊帝。爲大宋皇

帝。

五月初置榷場于盱眙。

金人約各置榷場于兩界。于是置盱眙榷場。官監與北商貿易。淮西。京西。陝西榷場亦如之。金亦置榷場于壽

與羅汝楫輩交章論飛淮
西事者鑄也業已黨附好
惡以與大獄追擊奇冤
然後欲為昭雪亦已晚矣
故論鑄之罪視万俟卨等
未減則可遂以為無罪則
不可

鄧州鳳翔府

後二十九年並罷。惟存盱眙樵場。

據宋

史本紀及食貨志增。通鑑此下作其後又
置于光州。棗陽安豐軍。此乾道間
事。而同時所置反畧不錄。今改輯。

六月安置王庶于道州。

秋八月何鑄罷。

鑄于是年七月
權參知政事。

秦檜以鑄不傳會岳飛之獄怨之。諷万俟卨論其過。欲
竄諸嶺表。帝不許。遂出知徽州。後復責授秘書少監。徽
州居住。

金人歸徽宗皇帝。顯肅皇后鄭氏及懿節皇后邢氏之喪。
喪至。帝易總服。奉安龍德別宮。

皇太后章氏至自金。

后。有智慮。初聞金人許還三梓宮。后恐其反覆。呼役者

畢集。然後起攢宮。時方暑。金人憚行。后慮有他變。乃陽稱疾。須秋涼進發。已而稱貸于金使。得黃金三千兩。以犒其衆。由是途中無虞。帝至臨平奉迎。見后喜極而泣。后至臨安。入居慈寧宮。

九月大赦。加秦檜太師。封魏國公。

以和好成也。尋以太后回鑾推恩。進封檜秦魏兩國公。檜以封兩國與蔡京同。辭不拜。

遣使如金。

沈昭遠賀生辰。楊愿字原仲。史不詳何所人。賀正旦。賀禮俱用金。

茶器萬兩。錦綺千匹。金循契丹例。不欲兩接使人。故併遣使。歲如

之。

冬十月。攢徽宗皇帝。顯肅皇后于永固陵。尋改曰永裕。在會稽縣東南。

以懿節皇后祔。

十一月張俊免。

初俊贊秦檜成和議約盡罷諸將獨以兵權歸俊及和議定諸將罷而俊無去意故檜諷臺臣江邈論之遂罷爲鎮洸崇信等軍節度使充醴泉觀使進封清河郡王奉朝請是月劉光世卒光世子諸將中最先進然律身不嚴馭軍無法及秦檜用事早解兵柄與時浮沉故不爲檜所忌得竊寵榮以終其身

徽猷閣待制致仕尹焞卒。

焞質直宏毅實體力行程頤嘗以魯許之且曰我死而不失其正者尹氏子也及是卒。

詔秘書少監秦熈修日歷。

秦檜無子。取妻兄王煥孽子熺養之。南省擢爲第一。檜以爲嫌。進士陳誠之策。專主和議。乃以爲首。熺次之。歷官秘書少監。檜自知不爲士論所與。乃以熺領國史。自檜再相。凡詔書章疏。稍及檜者。率更易焚棄。是後紀錄皆熺筆。無公是非矣。又因太后北還。頌檜功德。凡二千餘言。使著作郎王楊英。周執羔上之。皆遷秩。據檜本傳。通鑑直以屬檜。似誤。今改正。

孟忠厚罷。

先是。忠厚爲樞密使。充攢宮總護使。忠厚始雖以外戚貴顯。然能避權勢。不以私干朝廷。秦檜忠厚之僚壻也。未嘗親附。世以此重之。至是山陵畢。檜諷臺諫。引故事。

外戚不預政。罷之。

十二月。陝西大旱。

初。陝西連歲不雨。至是。涇。渭。灃。皆竭。民無以食。多餓死者。

西遼耶律達什后蕭氏死。子伊呼立。

改元紹興。

癸亥十三年。

金皇統三年。

春正月。作太學。

以岳飛宅爲之。

二月。作景靈宮。

遣官自溫州奉迎祖宗神御至。遂詣天章閣西殿。告遷徽宗及顯恭顯肅二后神御。併奉安焉。

三月。築太社。太稷壇。及園丘。

夏閏四月立貴妃吳氏

開封人爲皇后

后年十四選入王邸帝旣卽位后常以戎服侍左右習書史善翰墨寵遇日隆累進貴妃帝憐邢氏在金盧中宮以待其還至是秦檜累表請立后皇太后亦以爲言帝從之

王次翁罷

秦檜當國凡居政府者莫不以微忤斥始終不貳于檜者惟次翁一人而已

秋七月行人洪皓張邵朱弁還自金

自建炎以來奉使如金被拘囚者三十餘人多已物故惟三人以和議成許歸已而金人遣七騎追之及淮而

皓等已在舟中矣。

皓居冷山。屢因諜者密奏金事。且力言和議非計。乞興師進擊。嘗求韋太后書遣使百輩。不如此一書。皓留金凡十五年而還。入

對內殿。求郡養母。帝曰。卿忠貫日月。志不忘君。雖蘇武不能過。豈可捨朕去邪。皓退見泰檜。語連日不止。曰。張和公。金人所憚。乃不得用。錢塘暫居。而景靈宮太廟皆極土木之華。豈非示無中原意乎。檜不懌。遂除徽猷閣直學士。提舉萬壽觀。復以論事忤檜。出知饒州。邵被囚。斃年。送劉豫使用之。邵見豫長揖而已。又呼豫為殿院。責以君臣大義。詞氣俱厲。豫怒。械于獄。久之。復送于金。拘之燕山僧寺。及還入見。除秘書修撰。主管佑神觀。司諫詹大方論其使事無成。改台州崇道觀。并副王倫使金。既就館。守之以兵。久之。金將議和。當遣一人受書還。欲并與倫探策。決去留。并曰。吾來固自分必死。豈應今日觀幸先歸。願正使受書歸報天子。成兩國之好。蚤申四海之養。于兩宮。則吾雖暴骨外國。猶生之年也。倫將歸。并謂曰。古之使者有節。以為信。今無節有印。印亦信也。願留之。使并得抱以死。死不腐矣。倫解以授并。并受而懷之。臥起與俱。金人迫并仕劉豫。不從。金人怒。絕其餼。遺以困之。并固拒驛門。忍饑待盡。誓不為屈。金人感其動。致禮如初。久之。復欲易其官。并曰。吾官受之本朝。有

王倫奉使在金本無足比數。及久困懷歸。偏為和議。金人始定計遣之。其探策決去留。聊以掩飾眾聽耳。不然。朱弁以副使抗言誓死。不肯觀幸先歸。而為正使者。默無一語。其貪生畏死之心。已可想見。厥後雖以不受金幣見殺。蓋愆已晚。有愧于弁之始終不渝名節多矣。

死而已。誓不易以辱吾君也。又以書訣。時曰。殺行人非細事。吾曹遭之。命也。要當舍生以全義耳。乃具酒。召被掠士夫。飲半酣。語之曰。已得近郊某寺地。一旦畢命。報國諸公幸瘞我此處。題其上曰。有宋通問副使朱公之墓。于我幸矣。衆皆泣下。莫能仰視。并談笑自若。及尼瑪哈死。并密疏金國虛實曰。此不可失之時也。遣李發問行歸報。王倫還。以書奉送徽宗。大行之。文為獻。其辭有曰。嘆馬角之未生。竟消雪窖。攀龍髯而莫逮。淚灑冰天。帝讀之。感泣。官其親屬五人。謂丞相張俊曰。并歸日。當以禁林處之。及還。入見便殿。并謝。且曰。陛下與金人講和。上返梓宮。次迎太母。此皆知時知機之明。然盟可守。而詭詐之心。宜嘿以待之。兵可息。而消弭之術。宜詳以講之。陛下既知于始。願圖厥終。帝曰。善。秦檜惡其言。奏以初補官。易宣毅郎。直秘閣。而卒。

帝書六經刻石于太學。

碑石今在浙江杭州府學嵌壁中。

冬十二月癸未朔日食。

是日陰雲不見。秦檜率百官稱賀。

金人來聘。

賀正旦也。

禮物金酒器六事。色綾羅紗縠三百段。馬六匹。自是歲如之。

復置三館。

上謂宰執曰。人才須素養。太宗置三館。養天下之士。至仁廟。人才輩出。為用。今日若不興學校。將來安得人才用邪。

甲子十四年。

金皇統四年。

春正月。樂平。

唐縣。今屬江西饒州府。

水關。

水關之文。雖見於國語。然穀洛二水。本自會流。或激而成衝突之勢。類於相關。理尚可通。若田中之水。聚而直行。非水溢高。天矯如虹。則不經殊甚。且水力安能穿牆毀樓哉。史家無識。謂會傳說亦好怪而失之。誤矣。

樂平縣何衝里田隴數十百頃。田中水類為物所吸。聚為一。直行高平地數尺。不假隄防。而水自行。里南程氏家井水溢。亦高數尺。天矯如長虹。聲如雷。穿牆毀樓。二水關于杉墩。目前且卻。約十餘刻乃解。各復故。

二月。万俟卨罷。

萬于十二年八月。參知政事。

以樓炤簽書樞密院事。

初高自金還。秦檜假金人譽已數千言。屬高以間。高難之。他日奏事退。檜坐殿廬中。批上旨。輒除所厚者官。吏鈐紙尾進。高曰。不聞聖語。卻不視。檜大怒。自是不交一語。諷言官李文會詹大方論之。高遂求去。

三月。帝謁孔子廟。遂視學。

國學大成殿成。司業高閱表請帝視學。從之。止輦于殿門外。步趨升降。退御敦化堂。命禮部侍郎秦熺執經。高

閱講易泰卦。

胡宏見閱表。移書責之曰。太學。明人倫之所在也。太上皇帝。刻制于彊敵。生往死歸。

此臣子痛心切骨。臥薪嘗膽。宜思所以必報之大讐也。太母。天下之母。其縱釋乃在金人。此中華之大辱。臣子所不忍言也。而柄臣乃敢欺天罔人。以大讐大辱而爲大恩。閣下目覩忘讐滅理。北面敵國。以苟宴安之事。猶偃然爲天下師儒之首。旣不能建大論。明天人之理。以正君心。乃阿諛柄臣。希合風旨。求舉太平之典。又從而

為之詞欺罔孰甚焉。
胡宏字仁仲安國子

夏四月初禁野史。

從秦檜請也。
後著作郎林機言有失意之人匿迹近地窺伺朝廷作為私史以售其邪說請禁絕

之復下詔申禁之

五月樓炤罷以李文會簽書樞密院事。

文會劾炤罷之遂命文會代炤自是執政免即以言者

代之。
已而文會為楊愿劾去愿遂代其位愿迎合秦檜意旨以為基効人謂之內簡牌未幾亦斥天下快

之。

閩浙大水。

內侍右武大夫白錡從皇太后北歸者因閩浙大水宣
言變理乖鑿洪皓名聞華夷顧不用錡館客張伯麟嘗

題太學壁云。夫差而忘越人之殺而父乎。秦檜怒之。俱坐誹謗。刺配鏐于萬安軍。伯麟于吉陽軍。罷皓提舉江州太平觀。

秋九月。徙趙鼎于吉陽軍。

鼎在潮五年。杜門謝客。時事不掛口。有問者。引咎而已。先是鼎請正建國公皇子之號。檜言鼎欲立皇太子。是待陛下終無子也。宜俟親子乃立。至是。中丞詹大方希檜意。劾鼎與其黨范冲。邪謀密計。轉相煽惑。以徼無妄之福。蓋指皇子。而冲嘗爲翊善故也。遂移鼎吉陽。鼎謝表有日。白首何歸。悵餘生之無幾。丹心未泯。誓九死以不移。檜見日。此老倔強猶昔。冬十月。何若請黜程頤之學。

右正言何若指程頤張載遺書爲專門曲學請戒內外師儒之官力加禁絕秦檜從之。

十二月王倫爲金所殺。

金欲以倫爲平州路轉運使倫曰奉命而來非降也金脇以威遣使來趣倫拒益力金杖其使俾縊殺之。

乙丑十五年

金皇統五年

春正月朔初御大慶殿受朝。

夏四月朔彗出東方大赦。

六月乙亥朔日食。

帝幸秦檜第。

上賜檜第又賜銀萬兩絹萬匹錢萬緡絲千匹車駕親幸加檜妻兩國夫人子熺學士承旨婦郡夫人孫墳堪。

坦並除直秘閣。賜三品服。頃時方九歲。尋書一德格天之閣六字賜檜。後又命作檜家廟。賜以祭器。

秋七月。放張浚于連州。

浚因星變。欲力論時事。以其母計氏年高。言之必及禍。計氏知之。誦其父咸紹聖初制策曰。臣寧言而死于斧鉞。不忍不言而負陛下。浚意遂決。卽上疏言。當今事勢。如養大疽于頭目心腹之間。不決不止。遲則禍大而難決。疾則禍輕而易治。惟陛下謀之于心。斷之以獨。謹察情僞。豫備倉猝。庶幾社稷安全。不然。後將噬臍。事下三省。秦檜大怒。令中丞何若劾之。遂貶連州居住。尋徙永州。檜必欲殺浚。以其死黨張柄知潭州。與郡丞汪召錫。

諸郡稅是條續綱目係于十八年宋史補
示紀載在十五年今依宋史

帝曰人知取之爲取而不知予之爲取若稍與展免俟
家給人足稅歛自然易辦于是蠲廢光二州上貢錢水
各一年又蠲四川積貨常平錢三十萬緡京西路請假
用租及州縣場務稅錢



